

春秋屬辭辨例編

春秋屬辭辨例編卷四十九目錄

經書諸小國不書都邑地者

宿 向 極 滕 薛 戴

州 穀 鄧 南燕 牟 葛

於餘邱 譚 遂 滑 蕭 郭

鄆 山戎即北戎 狄即赤狄 陽

虞 江 黃 舒舒蓼舒鳩 舒庸 弦

溫即蘇 郟 厲即賴 英氏 項 梁

郟 隨 頓 夔 介 姜戎

沈 邾 六 雒戎 麋 巢

巴 庸 崇 陸渾戎 邾 白狄

萊 根牟 茅戎 郭 州來 偃陽

郟 胡 淮夷 申 鮮虞 戎蠻

郟

向國非燕國龍亢之向辨
極書入諱滅同姓辨
杜注兩
郟皆在成武辨
杜云州在滑于辨
鄧非襄陽鄧城辨
梁非浚儀大梁河南梁縣辨
厲頓誤為二國辨
牟非秦
山牟縣辨
滑非大名之滑辨
蕭非宋邑之蕭辨
郭疑
德辨
郭非紀郭非紀附庸辨
杜注以舒參為二孔疏以
舒參為參又以羣舒為一國辨
鄧莒滅魯取公羊說辨
英氏稱氏公羊說辨
熊擊封夔辨
皇陶封六辨
公羊說辨
萊姜姓辨
根牟郭邦公羊以為和邑辨
根牟
或又云萊邑辨
州來楚邑辨
鮮虞姬姓辨

附見傳不見經之小國春秋諸小國爵姓

險要之地書於經者 顧氏列國不守關塞論

春秋屬辭辨例編卷四十九

錢唐張應昌學

經書諸小國不書都邑地者

向國非譙國龍亢之向辨
郟皆在成武辨
梁非浚儀大梁河南梁縣辨
山牟縣辨
郟非紀郟非紀附庸辨
紆參爲夢又以紆紆爲一國辨
英氏稱氏公羊說辨
公羊說辨
或又云萊邑辨
極書入譙滅同姓辨
鄆非襄陽鄆城辨
厲賴誤爲二國辨
蕭非宋邑之蕭辨
杜注以紆參爲二孔疏以
鄆官滅魯取公羊說辨
鮮虞姬姓辨
熊擊封變辨
阜陶封六辨
根牟鄆部公羊以爲邾邑辨
根牟

周封國八百同姓五十逮春秋之始纔三百四十年耳而周之子孫何其甚微邪小國弱兵介強俟之間僅若黑于著面而地大民衆臨蕞爾之國奚啻屠牛償豕故制畏魯衆齊迫燕弱漢陽諸姬楚實盡之虞虢焦滑霍楊韓魏皆姬姓也晉皆兼之周之子孫安得不日失其序乎嗚呼齊楚狡焉思啟封疆至於芟夷併吞固無足怪而同姓

大國恃其強力亦自尋斧於本支何邪

李琪列國世紀
同姓微國紀

秦穆有言德之不建民之無援昔文武之有天下也選建親賢大國數十亦既足以統屬人心縣固國勢矣其人非周之子孫其地不足以爲周之屏翰先王皆爵而列之此其公天下之心豈特以私王室哉存先代之後表仁賢之人皆所謂建德以爲民援非惟不可廢亦有所不敢廢也春秋諸侯不復知崇明祀保小寡之義弱強相併而爲盟主者亦不復能與其疆場之事故自隱桓以來魯入極矣鄭取戴矣鄧畏楚眾齊迫陽遷向蒙莒師邾踐郟境終春秋之世微國困於兵革寇攘之禍殆不勝數而得周旋於幣玉牲歆以從諸侯之後者其無幾焉耳干戈之禍極於戰國而後已

李琪列國世紀
紀庶爵微國

春秋之爲中國慮大於吳楚戎狄既深排而力抑痛懲而亟膺之矣至於最爾之夷至無足道猶必因事謹誌何哉觀隱桓之初夷狄見

經者不過曰戎曰荆莊僖以後介也舒也巴也庸也甲氏潞氏鮮虞
麇咎不一而足累累書於冊彼吳楚戎狄之國既得以交起迭仆更
廢互興而藐然僻陋之夷習於逞思亦安知其終不足以抗衡哉是

聖人之所憂也

李琪列國世
紀夷微國紀

春秋諸侯偏於從楚者衆矣伯業不競不在諸侯主齊盟者亦既俛
焉聽命吳楚則宋魯陳蔡鄭許之國何尤乎宋魯陳蔡鄭許之國不
足罪則小於宋魯陳蔡鄭許之國又何尤乎故嘗論齊桓之伯能帖
荆於召陵而不能止江黃之伐晉文之伯能致秦敗楚於城濮而不
能保都六之不亡桓文且爾他何望哉小國尙安所恃而不從夷也
是故崇屬於秦鄰屬於吳沈徐胡頓皆屬於楚凡小國在夷狄之宇
下者信未有罪焉爾末年齊晉益微中國不能以一矢遺夷狄而封
豕長蛇之類自相雄奪其得免於滅亡者亦鮮焉

李琪列國世紀
附夷微國紀

須句司太皞之祀六蓼實臯陶之後此皆先王所封自唐虞三代至春秋之初綿延不絕何故纒入春秋便見屠戮蓋向時有聖賢之君

振作之風聲氣習尙有典刑老成人相與維持故得世守其祀所以

雖小而僅存至此先王德澤斬絕故先王之諸侯亦不能存

呂祖謙左傳說

春秋大國魯晉齊宋秦楚兼并多數圻矣次如陳蔡諸國自保不暇

其諸小國可推見矣况微而不能自立者哉胡頓襲舒鳩近楚則楚

滅之徐近吳則吳滅之宿近宋則宋滅之郟節近魯則魯取之邲近

邾則邾入之舒近徐則徐取之偃陽距晉遠則滅而予宋溫在王畿

至爲狄所燔天子弱諸侯恣諸侯恣夷狄暴豈一朝夕之故哉

程公說分

宿

隱元年及宋人盟于宿杜注小國東平無鹽縣也按宿太昊後風姓

男爵司有濟之祀

見傳二十一年傳

隱八年書宿男卒莊十年書宋人遷宿

宿自此亡矣定十年傳駟赤如宿杜注故宿國地今無鹽故城在秦

安府東平州東二十里

高士奇江永

○宿宋之附庸介於宋魯之間遷之

後遂不復見於經以傳考之定十年侯犯叛駟赤誘侯犯如宿犯從

之則地入魯久矣豈宋遷其地而據其邑卒入於魯邪

趙鵬飛經筵

向

隱二年莒人入向杜氏以爲譙國龍亢之向疑悞

王夫之稗疏曰漢書沛郡有向縣注

云故向國其地近蕭縣杜云譙國龍亢者晉併入龍亢爲譙王國邑也按王氏亦踵杜注之誤當從江氏考實據寰

宇記是莒州南之向詳莒邑下○世本向姜姓炎帝後

高士奇

極

隱二年無駭帥帥入極杜注附庸小國按穀梁以爲滅同姓是姬姓

國左傳司空無駭入極費序父勝之杜注序父費伯也前年城郟今

因得以勝極則極是境內附庸也賈逵以為戎邑誤時魯與戎好不
應入其邑今兗州府魚臺縣西有極亭高土奇○范注諱滅同姓變滅

言入接極為魯同姓無可考春秋之義滅國即是大惡內大惡當諱

變文言入言取耳不必以同姓而後諱滅也齊召南穀梁注疏考證

滕

文王子錯叔繡之後武王封之隱七年書滕侯卒十七世宣公也始

見經本孔疏杜注滕在沛國公邱縣按秦置滕縣漢改公邱縣屬沛郡

故滕國也今滕縣乃漢蕃縣隋改曰滕古滕城在今兗州府滕縣西

南十五里春秋後六世為齊滅高士奇江永○滕之可考者五君其與諸

侯睦其事霸主謹惟偏而無禮故逼於宋畏於齊楚無以自立黃震日鈔

薛

任姓黃帝苗裔奚仲封為薛侯奚仲遷於邳仲虺居薛為湯左相武

主復以其胄爲薛侯齊桓黜爲伯其世不可知亦不知爲誰所滅孔
疏據講所云也按孟子言齊人將築薛又薛爲齊田嬰食邑則當是
田齊所滅隱十一年來朝始見經獻公始與魯同盟杜注魯國薛縣
今故城在兗州府滕縣南四十里

高士奇
江永

○傳載薛侯曰我先封杜

注夏所封也定元年傳薛宰曰吾祖奚仲居薛爲夏車正杜注爲夏
禹掌車服大夫蓋春秋諸國傳世之舊者莫薛若也昭十年傳裨竈
曰顓頊之墟姜氏任氏實守其地杜注姜齊姓任薛姓與齊並稱知
其先世非小弱矣世本黃帝二十五子得姓者十二人任居其一詩
曰摯仲氏任曰嬪于京國語富辰曰摯仲之國由太任又曰鄆之亡
由仲任隱公曰寡人若朝於薛不敢與諸任齒孔疏引世本姓氏篇
謝章薛舒呂祝終泉畢過十國皆任姓也知任姓支封本廣耳

高士
奇

○薛自入春秋役於宋偪於齊臨之以晉微弱無以爲國矣

黃震
日鈔

下邳縣夏時邳國後屬薛奚仲遷焉

樂史寰宇記

戴

公穀作載

隱十年書宋蔡衛伐戴鄭伯伐取之杜注戴國今陳留外黃縣東南

有戴城按戴公穀作載鄭取戴改名穀城秦置留縣留同災東漢改

曰考成今河南歸德府考城縣東南有故城高士奇江永○戴附庸國也

劉敞春秋傳

○孔疏地里志留縣故戴國古留戴聲近戴載音義通趙坦異文

箋○說文云載故國在陳留字林云載故國在陳留載與載古今字

也徐文靖管城碩記

○據說文當以載爲正字戴載並假借字張壽恭古義○風

俗通云姬姓案通志氏族略以戴爲周不得姓之國或又以爲子姓

者皆未識所據梁履繩補釋

州

桓五年書州公如曹傳曰涓于公杜注涓于州國所都城陽涓于縣

也孔疏此州公及僖五年虞公並是小國而得稱公者或嘗爲三公

之官也世本州國姜姓彙纂曰今青州府安邱縣濬于城州所都也

江永○愚按杜氏於隱十一年傳王與鄭人之田州陘隕懷注云州縣

彙纂云在今懷慶府河內縣乃是周邑非此州國然張氏洽趙氏鵬

飛以爲畿內之國卽河內州縣程公說分紀黃仲炎通說亦以爲王

朝公卿食采之邑在王畿之西卽蘇忿生十二邑之一至是爲州公

食邑三公食采於州故曰州公杜承左氏之誤以濬于爲州釋其國

在城陽蓋杞之邑非州國也此諸說皆同近儒高澍然亦從之趙與

高說見王臣門諸家所辨是杜氏誤也水經注亦誤用杜說○州在

今懷慶府武陟縣周畿內國也傳稱濬于公者當由去國終於濬于

因以爲號耳濬于屬城陽魯東境也

朱朝瑛

○州有二隱十一年向

盟州陘王畿也桓十一年隨絞州蓼伐楚師州國也

程公說

穀

桓七年書穀伯綏來朝杜注穀國在南鄉筑陽縣北按今襄陽府穀城縣爲故筑陽城古穀城在縣北今穀城縣西有穀城山上有石城水經注曰沔水東逕穀城南城在穀城山上春秋穀伯綏之邑墉闔頽毀基塹亦存志謂縣西北古穀城穀國在此漢志南陽郡筑陽縣注故穀伯國也在筑水之陽隋改曰穀城

高士奇江永

○穀嬴姓伯爵

通志

氏族

○劉昭引博物志穀國今穀亭

洪亮吉春秋左傳註

○穀在今襄陽與鄧

相距百數十里宋李伯紀嘗言天下形勢關中爲上襄鄧次之是穀鄧雖小皆中原要地密邇於楚楚之狡焉生心久矣不能早爲之計至是爲楚所逼懼而弗守此中原之患非獨在穀鄧也

朱朝瑛畧記

鄧

桓七年書鄧侯吾離來朝按鄧曼姓莊六年楚文王伐申過鄧還年

伐鄧十六年楚復伐鄧滅之地入於楚秦昭襄元年攻楚取鄧置鄧縣屬南陽漢因之晉志有鄧縣屬義陽郡註曰古鄧侯國又有鄧城縣屬襄陽郡襄陽之鄧城乃蔡地見蔡門按鄧國今爲河南南陽府西南百二十里鄧州漢志南陽郡鄧縣故國是也晉之義陽郡治新野在今鄧州東南故鄧縣屬之葉纂以襄陽之鄧城爲鄧國誤高士奇江永○愚按水經注清水南過新陽縣西又南過鄧縣東故鄧侯吾離之國也通志氏族畧鄧商之侯國

南燕

隱五年傳衛人以燕師伐鄭杜注南燕國東都燕縣也孔疏燕有二國一稱北燕故此稱南燕以別之姑姓黃帝後桓十二年書公會宋公燕人盟於穀邱十三年書公會紀鄭及齊宋衛燕戰十八年傳王子克奔燕莊元年傳衛師燕師伐周二十年傳鄭伯和王室不克執

燕仲父襄二十一年傳齊叔孫還奔燕定十年傳齊成何奔燕皆此水經注濮水逕胙城東又東北逕燕城內故南燕國也今衛輝府汲

縣西有古燕城

高士奇

○南燕在鄭衛之間后稷元妃姑女建國受封

家鉉翁詳說

○北燕限於山戎自莊二十八年齊桓伐山戎之後始爲北

燕開路得通中國以前猶爲山戎所隔也故盟穀邱之燕人杜注解

之爲南燕大夫是也

孫覺經解

○南燕入春秋首與宋魯盟宋魯之

盟爲鄭謀也未不義而魯不信兩無可從者至十三年遂從宋魯鄭

戰小國兵力有限而從不義之役兵敗之後不再見經不知爲何國

所滅

趙弼飛經筵

○南燕之燕字或作鄰在河南胙城縣

王夫之釋疏

牟

桓十五年邾牟葛來朝杜註牟國今泰山牟縣按僖五年書公孫茲

如牟卽此漢置牟縣屬泰山郡今泰安府萊蕪縣東有牟城

高士奇

愚按水經注汶出牟縣故城西南阜下故城在東北古牟國也俗謂是水爲牟汶也○又按顧氏棟高曰杜佑通典登州治蓬萊縣春秋時牟子國亦曰東牟郡在濟南東九百餘里或疑去魯太遠不應來朝然介東夷國在今萊州高密境去魯更遠介可來朝何疑於牟當從通典杜注非也顧說見杜注正譌篇○按季氏本地考亦云牟在登州府福山縣界而謂杜所云泰山之牟縣乃根牟國似又誤○風俗通牟子爵祝融之後通志氏族畧○應劭曰魯附庸也水經注

葛

見上杜注梁國甯陵縣東北按葛蓋古國孟子湯居亳與葛爲隣左傳齊桓公如夫人者六人有葛麻則葛姓也甯陵漢縣屬陳留郡應劭曰故葛伯國後漢屬梁國今屬河南歸德府縣北有葛城在汴河之南高氏參彙纂○按杜解是與亳爲鄰之國湯已滅之不應閔殷周仍

在也魯旅見之疑邾牟葛皆魯附庸牟在泰山郡邾在魯南鄆葛亦
當近魯甯陵在春秋爲宋地去魯遠此葛蓋所謂葛嶧也今嶧縣與
鄆接壤當魯之南惜無從攷耳

王夫之
稗疏

於餘邱

莊二年書公子慶父帥師伐於餘邱杜注國名孔疏曰公穀皆以爲
邾邑春秋未有伐人之邑而不繫國者此無所繫故知是國釋例注
闕不知其處蓋近魯小國也啖氏曰經未有邑而言伐者宜從杜氏
沙隨程氏曰蓋邾附庸吳氏曰於發語辭猶曰於越或曰在沂州界
高氏參
素纂 ○或曰小國近戎者張洽
集注 ○附庸小國如顛與留吁之類方苞
直 ○或曰邑或曰國或曰附庸或曰夷國以爲夷國者似是於發語
辭若於越然呂本中
集解 ○俞氏臯謂在章邱縣誤也今章邱縣春秋時
齊高唐地漢爲陽邱縣隋開皇十六年改曰章邱與於餘邱無涉徐卓

經義朱
詳說

譚

莊十年書齊師滅譚譚子奔莒杜注譚國在濟南平陵縣按詩碩人篇閔莊姜曰譚公惟私姊妹之夫曰私蓋亦齊之婚姻國漢置東平陵縣屬濟南郡今濟南歷城縣東南有譚城高士奇江永○路史注引杜解作濟南東平陵據此當加東字通志氏族畧以譚爲周不得姓之國而路史云羸姓諸家不取顧氏表以爲子姓未知何據梁履繩補釋

遂

莊十三年書齊人滅遂十七年書齊人殲於遂杜注遂國在濟北蛇邱縣東北按今兗州府甯陽縣西北有遂鄉舜之後也葉○參看陳

國下魯地謹下○世本遂媯姓漢地理志泰山郡蛇邱隧鄉故隧國

隧同遂

洪亮吉春秋詁

○漢志隧當作遂是流俗本之譌

全祖望漢書地理志稽疑

滑

莊十六年經書滑伯同盟于幽杜注滑國都費河南緱氏縣接滑國
姬姓又謂之費滑僖三十三年書秦人入滑傳曰孟明滅滑而還杜
注滅而書入不能有其地也成十三年傳晉使呂相絕秦曰殄滅我
費滑離散我兄弟杜注費滑滑國都於費與晉同姓孔疏春秋更無
費國秦惟滅滑知滑卽費國邑並舉也十七年傳鄭子駟侵晉虛滑
杜注晉二邑滑故滑國秦所滅者時屬晉後屬周蓋秦滅之而不能
有爲晉所得然其地近鄭在所必爭鄭所以侵晉虛滑也晉女叔侯
曰虞虢焦滑霍揚韓魏皆姬姓也晉是以大若非侵小將何所取襄
二十九年傳當卽指此滑也襄十八年傳楚師伐鄭侵費滑胥靡此時又
屬鄭昭二十六三傳王次于胥靡于滑杜注皆周地本鄭邑此時滑
又屬周至定六年傳云鄭伐周馮滑胥靡此鄭人爭滑之驗也周人

又謂之侯氏昭二十二年傳晉師軍于侯氏戰國爲緱氏漢置緱氏

縣屬河南郡晉因之水經注休水逕延壽城南緱氏縣故費滑也今

河南府偃師縣南有緱氏故城古滑國高氏攷畧小國蓋又周邑降

周鄭條下說同○僖二十年書鄭人入滑杜無注高氏據傳滑人叛

鄭而服於衛鄭師入滑二十四年傳曰鄭之入滑也滑人聽命師還

又卽衛鄭公子士洩堵俞彌伐滑王使如鄭請滑鄭不聽命疑滑在

鄭衛交境之地緱氏遠在河南非衛所及從熊氏過以爲大名之滑

縣謂衛戴公避狄渡河野處漕邑齊城楚邱封衛皆在滑境蓋衛都

邑所在故鄭爭之終不得見高氏攷畧顧氏駁之曰江村攷地理多

體會傳文而得其道里之遠近獨於鄭人入滑謂非緱氏之滑而反

取熊過之說以爲大名之滑縣此大謬所謂過求而失之也滑縣在

春秋時止稱漕邑無滑之名漢魏爲白馬縣至隋始改曰滑州後世

之改革豈可加於前代漕本爲衛下邑去衛舊都不遠若有滑國在焉戴公安得廬之齊桓又安得驅滑之衆庶而更以封衛乎又自古無與人爭國都之理且使滑爲衛都邑則滑已滅於衛安得更謂之滑屬於列國而上煩周天子之命乎江村以傳文滑貳於兩國謂必鄭衛交境之地而緱氏遠在河南非衛所及則不必如此拘泥齊晉與國幾半天下卽如魯之邾莒亦非十分逼近考秦人滅滑傳秦師過周北門次及滑鄭商人弦高遇之滑與鄭鄰近自不必言而衛之儀封亦在河南與滑非絕遠不必以此爲疑也至莊三年公次于滑杜注在陳留襄邑今睢州西北之滑亭是也與緱氏之滑自別彼是滑國此是滑地謂滑有二則可高氏謂滑有三而以滑縣之滑當其一則非矣

大事表卷七之四

○古滑國近在洛陽王城之東鞏邑之西去鄭

汜水不遠

季本地考

○成十七年傳鄭侵晉虛滑杜集解云滑國爲秦所

滅時屬晉後屬周孔疏僖三十三年秦入滑不知後屬何國此言侵
晉知此時屬晉耳襄十八年楚侵鄭費滑胥靡定六年鄭伐周馮滑
胥靡蓋費滑胥靡周鄭之間襄時屬鄭定時屬周社稷釋例○古滑
城在緱氏縣東十八里樂史襄
字記

蕭

莊二十三年書蕭叔朝公僖三十年書介人侵蕭宣十二年書楚子
滅蕭舊說云蕭本宋邑莊十二年宋萬之亂蕭叔大心蕭邑
大夫有功宋
人以蕭邑別封之爲附庸自是遂爲國楚滅後不能有還爲宋邑愚
按當從毛氏所辨另是國名非宋邑也詳見宋地下

郭

莊二十四年書郭公胡氏曰郭亡也引齊桓公問郭亡事按今東昌
府聊城縣有郭水水之南岸有郭城博城圖經曰春秋亡國郭氏之

墟也

高士奇

○齊桓公出游見亡國故城問於野人對曰是爲郭氏之

墟桓公曰郭氏者曷爲墟對曰郭氏善善而不能行惡惡而不能去

是以爲墟也

劉向新序○烏氏釋史云胡氏取此爲春秋傳

○考僖二年晉伐虢公羊傳作

郭戰國策亦同昭元年會虢穀梁作郭疑此郭公卽虢公虢爲公爵

書法亦合虢公下必繫以事而史闕之按史記晉世家於此年書羣

公子亡奔虢虢以其故再伐晉不克

下二十六年傳載虢而侵晉

是此數年虢晉

交兵非無事可書也

洪亮吉春秋左傳註

郭

莊三十年書齊人降郭杜注郭紀附庸國東平無鹽縣東北有郭城

孔疏曰二傳以爲紀之遺邑計紀侯去國至此二十七年則邑不得

獨存蓋附庸小國若郭郭者也江氏曰紀小國不得有附庸此因昭

十九年傳有紀郭而誤也

齊伐莒莒于奔紀郭

紀郭莒邑與此郭非一地高氏

按水經注汶水過東平章縣南按章縣世本任姓之國卽齊人所降

鄆也漢志屬東平國今東平州東六十里有鄆城集卽鄆故城高士奇江

永○邑當繫國直言鄆無所繫是國也趙佑雜案○愚接近刻水經注東

平章縣南脫東字大誤東平郡也章卽鄆縣也今照武英殿聚珍

板本改○公穀皆以鄆爲紀之遺邑杜氏以爲紀之附庸啖氏曰鄆

自是小國爾按紀亡已久遺邑將安所屬以至於今啖氏之說近是

鄭王○杜以鄆近成以東平無鹽縣東北鄆城當之原無可疑獨以

爲紀之附庸則誤矣紀在齊東鄆與成在齊西南中間所隔皆齊南

魯北地鄆安得越齊魯數百里而爲紀附庸哉龔元玠春秋客難

山戎 北戎

莊三十年齊人伐山戎杜注山戎北狄僖十年齊侯許男伐北戎杜

注北戎山戎也杜於襄四年昭元年傳之無終亦云山戎故釋例以

北戎山戎無終三名爲一顧氏從之見四裔門按北戎侵鄭侵齊見隱九年桓六年傳杜皆無注江氏考實亦從釋例皆爲直隸永平府地并據國語桓公伐山戎荆令支斬孤竹攷令支孤竹均在永平府境桓六年侵齊條下云齊境北至無棣今直隸滄州以北至永平蓋皆戎地惟隱九年侵鄭者若是永平則去鄭甚遠當另是一戎國耳據江顧二家已得實而季本地考曰經一書山戎一書北戎是地不同北戎當在今紫荊倒馬之地山戎卽無終乃今薊州遵化地未詳所據

狄卽赤狄○潞氏甲氏留吁

閔二年傳孔疏狄有赤狄白狄赤白之義未聞當是其族以赤衣白衣爲識也宣三年四年再書赤狄侵齊六年伐晉七年伐晉見於傳十一年書晉侯會狄于橫函傳曰晉卻成子求成於衆狄衆狄疾赤

狄之役遂服於晉杜注赤狄潞氏最強故服役衆狄也十三年赤狄
伐晉及清先穀召之也十四年書晉師滅赤狄潞氏以潞子嬰兒歸
杜注潞赤狄別種潞氏國子爵也十六年晉士會滅赤狄甲氏及留
吁鐸辰杜注皆赤狄別種晉既滅潞氏又并盡其餘黨經書晉人滅
赤狄甲氏及留吁杜注鐸辰不書留吁之屬也按諸國之中潞最大
傳言潞子嬰兒夫人晉景公之姊則通婚於大國矣其爵爲子則受
爵命矣有酈舒爲相則置官司矣其餘以號舉者則服屬於潞氏者
也地據晉國之腹心故經營之甚力古潞城在今潞安府潞城縣東
北甲氏在今直隸廣平府雞澤縣地留吁滅爲晉邑謂之純留襄十
八年晉人執孫蒯於純留是也漢屯留縣屬上黨郡屯音純水經注
漳水條下絳水經屯留故城故留吁國也在今潞安府屯留縣南鐸
辰當亦在潞安府境

高士奇
江氏參

○潞赤狄隗姓

國語鄭
語注

○赤狄子姬姓

杜預世族譜

赤狄故上黨郡地有赤沙城

又土地名

○愚按赤狄始書於宣三

年乃以其時又有白狄故書赤以爲別也實則莊公之末早見經自莊三十二年書狄伐邢至文十三年書狄侵衛其間所書狄事極多皆赤狄也時無白狄之事故但書狄爾詳四裔門

唐咎如

公羊作將咎如

僖二十三年傳狄人伐唐咎如杜注赤狄別種也隗姓成三年書晉卻克衛孫良夫伐唐咎如唐公羊作將穀梁作牆牆唐字同唐將音近

江氏考實趙坦異文箋

○杜注以爲赤狄別種然經不繫之赤狄蓋又別分

爲族也咎與臯同閔二年晉太子申生伐東山臯落氏杜注亦謂赤狄別種而後漢志壺關故黎國注引上黨記曰東山在城東南晉申生所伐今名無臯其卽古之唐咎如歟又按黎侯故城在潞州黎城縣東則唐咎如正當晉東衛西故克與良夫同夾攻也

季本私考

陽

閔二年書齊人遷陽杜注國名未詳其地按淮南子陽國御姓侯爵
漢陽都縣屬城陽國應劭曰故陽國也水經注沂水又南逕陽都故
城東今沂州府沂水縣西南有陽都城又按姓氏書謂召康公之後
爲陽伯

高士奇
江永

○漢志東海郡都陽縣及城陽國陽都縣應劭俱指

是陽國惠棟云一國兩屬未詳孰是按陽都應特云故陽國則是陽
之舊都齊遷之是由城陽陽都遷東海都陽也

馬宗璉春秋
左傳補注

○正義

云世本無陽國不知何姓按坊記陽侯殺繆侯淮南王書汜論訓繆
侯作繆侯高誘注繆皐陶之後偃姓鄭注陽繆同姓國則亦偃姓也

洪亮吉春秋
左傳詁

虞

桓十年虢公出奔虞始見於傳僖二年書虞師晉師滅下陽始見經

五年書晉人執虞公而國亡矣桓十年杜注虞國在河東大陽縣按史記武王封周章弟虞仲於故夏墟與荆蠻句吳爲兄弟譜云處中

國爲西吳是也大陽唐改曰平陸今平陸縣在山西解州縣東北四

十里有古虞城高士奇○愚按水經注河水又東涉澗水注之水北出虞山東南還傳嚴傳說隱處傳嚴東北十餘里卽

顛軫城左傳所謂入自顛軫者也軫橋東北有虞原○史記太伯卒原上道東有虞城虞仲封此城北長坂謂之虞坂

無子弟仲雍立是爲吳仲雍及武王克殷求太伯仲雍之後得雍會

孫周章已君吳因而封之乃封周章弟虞仲於周之北顧炎武曰仲

雍爲吳仲雍而虞仲者仲雍之曾孫也殷時諸侯有虞國卽所謂虞

芮質厥成者武王時國滅而封周章之弟於其故墟乃有虞仲之名

耳論語進民虞仲夷逸左傳太伯虞仲太王之昭仲雍君吳不當言

虞古吳虞二字多通用楊慎曰吳古虞字省文朱鶴齡讀左日鈔○疏引鄭

康成王制注周世有爵尊而國小爵卑而國大者言爵尊國小蓋指

此州公虞公也案虞是克商始封非爲殷之餘國鄭元之言不可通
按周書王會篇唐公虞公在焉此虞卽殷之餘國而疏執封虞仲之
孫以訾鄭氏非也杜氏通典曰非二王之後列國諸侯其爵無至公
者春秋有虞公州公或因殷之舊爵或當爲天子之官子孫因其號
耳卽本鄭義武億羣經義證○虞吳也漢書地理志武王封周章弟中於河
北是謂北吳後世謂之虞錢大昕聲類○虞爲今山西之平陸西虢爲今
河南之陝州地界相連裴駟引賈逵注云虞在晉南虢在虞南一言
而形勢瞭然矣閻若璩四書釋地

江

僖二年書及江人盟於貫杜注江國在汝南安陽縣按江羸姓伯益
之後四年書及江人伐陳文三年書楚人圍江晉陽處父伐楚以救
江四年書楚人滅江漢志應劭曰安陽有江亭故江國水經注淮水

東逕安陽縣故城南江國也括地志安陽故城在新息縣西南新息

今光州息縣

高氏江氏參

黃

桓八年傳楚子合諸侯於沈鹿黃隨不會杜注黃國嬴姓今弋陽縣按史記黃帝末孫陸終之後封於黃莊十九年傳楚子伐黃敗黃師於踏陵僖二年盟于貫書於經傳曰服江黃也三年書會于陽穀四年書伐陳齊桓遠結江黃以制楚也五年書楚人滅弦弦子奔黃十一年書楚人伐黃十二年書滅黃傳曰黃人恃諸侯之睦於齊不共楚職曰自郢及我九百里焉能害我楚滅黃弋陽漢縣屬汝南郡魏置弋陽郡今爲光州境弋陽城在州東黃城在州西高士奇江永○今光州定城縣水經注黃水入淮曰黃口有黃城方以智通雅

舒

舒蓼

蓼穀或作鄆

舒庸

舒鳩

僖三年書徐人取舒杜注舒國今廬口舒縣按舒偃姓子爵國臯陶之後其族屬甚多此則見經之始魯頌曰戎狄是膺荆舒是懲鄭箋云魯僖與齊桓舉義兵當爲此時事文十二年傳羣舒叛楚子孔執舒子平及宗子遂圍巢杜注羣舒舒庸舒鳩之屬今廬江南有舒城西南有龍舒城宗巢二國羣舒之屬孔疏述世本曰偃姓舒庸舒蓼舒鳩舒龍舒鮑舒龔以其非一故言屬以包之文十四年傳楚子孔潘崇伐羣舒宣八年書楚滅舒蓼傳曰楚子疆之及滑汭杜注舒蓼二國名孔疏以爲當云一國轉寫之誤成十七年書楚人滅舒庸傳曰舒庸人道吳人圍巢伐駕圍釐虺恃吳而不設備楚公子囊師襲舒庸滅之杜注舒庸東夷國襄二十四年吳人召舒鳩人舒鳩人叛楚楚伐之二十五年書楚屈建帥師滅舒鳩定二年傳又云吳子使舒鳩氏誘楚師杜注舒鳩楚屬國蓋楚雖滅之猶存其祀也杜氏但

以漢舒縣爲古舒國餘羣舒惟巢國有注其舒蓼舒庸舒鳩及宗四國皆不能明其處但云廬江南有舒城及龍舒城約畧四國所居在此兩城間而已秦舒邑屬九江郡漢舒縣龍舒俱屬廬江郡今廬州府舒城廬江二縣之境皆羣舒地

高氏參
葉纂

○按杜注誤以爲二國孔

疏因以宣八年所滅舒蓼卽文五年所滅之蓼復故而楚更滅之亦誤蓼在安豐羣舒在廬江地境各別孔疏又以羣舒爲一種尤謬舒同宗而異國故曰羣舒猶曰羣蠻舒庸舒鳩皆其比也杜誤而孔徇之疎矣

趙鵬飛經筵
傳遜辨誤參

○葉氏說荆舒見書楚總論○舒有羣舒舒鳩

舒蓼舒庸之屬今有舒城其遺也舒鳩今無爲州巢縣舒蓼在安豐今之六安也舒庸以爲東方國謂之羣舒皆偃姓唐稱舒州總言皖郡也

方以智
通雅

○宣八年傳楚爲衆舒叛故伐舒蓼滅之正義引釋例

土地名有舒羣舒蓼舒庸舒鳩以爲五名案衆舒卽文十二年之

羣舒乃諸舒總名釋例不當以爲五名太平御覽州郡部十五引釋
例曰舒有五名舒庸舒龍舒口舒鳩舒城其實一也御覽所引與正
義所引釋例不同疑竝有脫誤文十二年正義引世本有舒庸舒蓼

舒鳩舒龍舒鮑舒冀其名爲六而傳所見者惟庸蓼鳩耳

梁履繩補釋

○

漢五行志劉向謂楚乘弱橫行六侵弱而一滅國師古曰一滅國者

謂滅舒蓼也則舒蓼不爲二國明矣

徐文靖管城碩記

○按路史謂杜注訓

釋例止云國名並無加一字之例注內二字蓋衍文非杜誤也陸氏

附注傅氏辨誤顧氏補正並從之是也

陳樹華攷正

○蓼穀作鄆古字通

趙坦異文箋

○玉篇引傳及注並作郃說文郃地名从邑舍聲不言所在

知郃舒古字同

洪亮吉春秋左傳詁

弦

僖五年書楚人滅弦弦子奔黃杜注弦國在弋陽縣東南按漢

縣屬江夏郡韋音義注云故弦國也晉初屬弋陽郡今河南光州西南有弦城湖廣黃州府蘄水縣有韋縣故城或曰弦子奔黃時所居皆魏晉時弋陽郡境也高士奇顧棟高江永○弦少昊後嬴姓國史路○酈元曰

江水又東逕西陽郡南卽西陽縣也晉書地道記以爲弦子國通典

光州光山縣漢西陽縣也春秋弦國之地仙居縣本漢韋縣今縣東

有弦亭據水經注通典漢之西陽韋縣皆弦子地馬宗璉春秋左傳補注

溫卽蘇

僖十年書狄滅溫文十年書及蘇子盟溫卽蘇也見周邑

鄧凡書鄧穀梁俱作繪

僖十四年書季姬及鄧子遇于防杜注鄧國今瑯琊繪縣按鄧穀梁

作繪國語或作鄧或作繪姒姓禹後子爵通志其族畧少康封其少子曲烈於鄧衛成

公欲祀相甯武子曰杞鄧何事僖三十一年傳富辰曰杞繪由太姒王子晉

曰有夏雖衰杞鄆猶在

周語

蓋亦封於周初因武王之母家也其初封

似不在瑯琊鄆桓公當幽王時而史伯告之曰申繪西戎方強王若

伐申而繪與西戎會之周不守矣

鄭語

史記申侯與繪西夷犬戎攻幽

王當是時申伯受改封之命國於謝在楚方城之內度繪國必與之

相近故得借舉兵哀四年楚致方城之外於繪關豈其故墟乎其徙

於瑯琊不知在何時十六年書鄆季姬卒又城鄆役人病不果城見

於傳十九年書鄆子會盟于邾邾人執鄆子用之宣十八年書邾人

戕鄆子于鄆成二年書鄆人盟于蜀襄四年傳公如晉請屬鄆冬邾

莒伐鄆臧紇救鄆於焉五年書叔孫豹鄆世子巫如晉成屬鄆也秋

會于戚魯以屬鄆爲不利使鄆大夫聽命於會故書鄆人六年書莒

人滅鄆晉人以鄆故來討曰何故亡鄆左傳以爲滅殺梁以爲非滅

也立異姓以莅祭祀也然尋考後事鄆竟亡矣八年莒人伐我東鄆

以疆鄆田杜注莒既滅鄆魯侵其西界故伐魯以正其封疆昭四年
書取鄆傳曰莒亂著邱公不撫鄆鄆叛而來杜注莒莒邑蓋此時已
屬莒爲邑也哀七年書公會吳于鄆吳來徵百牢蓋此時鄆地屬魯
魯應改地主之餼故吳有是舉傳云盟於鄆衍杜注鄆衍鄆也蓋
以鄆國既亡微小其地而謂之鄆衍也史記夫差七年敗齊師於艾
陵遂至鄆卽此後爲楚地漢置縉縣屬東海郡後漢屬瑯琊郡今兗
州府嶧縣東有鄆城高土奇○春秋之世小國不能自通多附於大國
宋之盟齊人請邾宋人請滕邾滕猶附人况鄆又小也故杜解魯屬
鄆謂如須句顛臾之比使助魯出貢賦耳孔疏襄四年○鄆者本鄆國地
莒滅之以爲邑齊今莒去疾爭國從齊入莒而以不撫鄆之故鄆叛
而來遂取之後竟爲魯邑哀七年公會吳于鄆是也公羊不知鄆是
莒邑尚以爲是鄆子國而魯始取之因曰取之者何滅之也則於襄

六年莒人滅郕之經顯相悖矣因於莒人滅郕傳造爲事曰莒之滅
郕非滅其國也取後於莒也其取後於莒奈何以莒女有爲郕夫人
者而立其出也春秋從無異姓可繼絕者如有則必本國爭之列國
正之豈有彼以繼絕告而我可匿其本事而矯書滅郕者

毛奇齡傳
昭四年

○又詳書取門取郕

屬卽賴

桓十三年傳楚屈瑕伐羅楚子使賴人追之不及杜注賴國在義陽
隨縣按昭四年書楚滅賴傳曰遷賴於郟楚子欲遷許於賴使鬬韋
龜與公子棄疾城之申無宇曰召諸侯而來伐國而克城竟莫校王
心不違乃禍亂也杜注謂築城於外境諸侯無與爭也是年冬傳云
東國水不可以城罷賴之師

按楚國之西爲上國東曰東國見昭十四年傳

然則賴地蓋在

方城之外後漢志汝南郡褒信侯國有賴亭故賴國漢褒信縣後爲

苞信鎮今在息縣東北其賴亭在商城縣南息縣商城皆屬汝甯府
光州杜蓋因隨縣之厲字音相近而傳十五年書齊師曹師伐厲

杜注厲楚與國義陽隨縣北有厲鄉按厲神農之後厲山氏見禮記

卽神農也今隨州北有厲山山下有厲鄉荊州記山神農所生處前

漢志南陽郡隨縣故厲國今爲隨州屬湖北德安府

章纂參高氏江氏

○厲

炎帝後姜姓國卽賴

羅泌路史

○顧氏曰厲賴實一國也漢志隨縣故厲

國師古曰厲讀曰賴公羊僖十五年齊曹伐厲何休注厲如字舊音

賴昭四年楚子滅厲注云左氏作賴穀梁於僖昭兩傳亦俱作厲史

記豫讓范睢傳漆身爲厲厲並音賴古字通用有據其爲一國顯然

諸儒以杜佑通典厲賴分列兩國不復深考而馬端臨通考又以賴

在光州謂杜注在隨縣不知何據賴在光州以楚會申遂滅賴之文

合之申在今南陽於光州洵屬相近而更於厲從杜氏說謂厲在隨

縣賴在光州則因杜氏添設尤非矣

大事表卷六下

○愚按今之光州舊屬

汝甯府隨州屬德安府湖北德安之北河南汝甯之南本係接界則隨縣去光州當非甚遠前漢後漢所志似殊而左公毅之同事異文何休顏師古之注其非兩國可據當從顧氏既爲一地則杜注似無誤也路史亦云厲賴一國又考水經注膠水出大義山南至厲鄉水分爲二一水西逕厲鄉南水南有重山卽烈山也神農生處亦云賴鄉故賴國也水西南流入於膠卽厲水也一水出義鄉西南入隨又注膠膠水又南逕隨縣注安陸益可證賴之卽厲而賴鄉之與隨縣地相接矣○厲賴聲轉通字如漢書無賴作無厲可見

毛奇齡簡書刊誤

英氏

僖十七年書齊人徐人伐英氏杜注楚與國按英氏或稱英臯陶後偃姓也史記臯陶之後或封英六楚穆王滅之

陳杞世家

又曰英布者其

先豈春秋所滅英六皐陶之後哉英布傳贊張衡賦曰皐陶邁而種
德樹德茂於英六按左傳滅文仲聞六與蓼滅曰皐陶庭堅不祀忽
諸史記索隱曰或者英後改號曰蓼也古英氏城在今江南六安州
英山縣境高氏蓼
莫篤○愚按史記楚世家載楚成王二十六年滅英正
義以爲蓼國而穆王四年又載滅六蓼考成王二十六年爲魯僖十
四年不應預滅成王所滅一本作黃蓋是也○何休曰稱氏者春秋
前黜之非也英氏者國也國之號或一字或二字三字

劉敞
樵衡

項

僖十七年書滅項杜注項國汝陰項縣按項後爲楚地項氏世爲楚
將封於項卽此漢爲項縣今陳州府項城縣東北故項城是也高士
奇江
承○愚按水經注潁水自新陽堰東南流逕項縣故城北春秋滅項
是也○項或言姬姓通志氏
族畧○漢項縣古項子國春秋齊滅項楚襄

王築項城以爲別都

梁史意
宇記

○公穀謂齊滅之是也不書齊蒙上文

史記黥布傳注曰英後改爲蓼蓼在今霍丘縣距河南項城止三四里自英至項其勢甚便也

朱朝瑛
畧記

梁

桓九年傳號仲芮伯梁伯荀侯賈伯伐曲沃杜注梁國在馮翊夏陽縣按梁嬴姓僖六年傳卻芮謂夷吾曰不如之梁梁近秦而幸焉十七年傳惠公之在梁也梁伯妻之梁嬴十八年傳梁伯益其國而不能實命曰新里秦取之十九年書梁亡傳曰梁伯好土功民疲而弗堪秦遂取梁昭十三年傳沈尹戌曰梁伯溝其公宮而民潰卽此事也秦得梁地以爲邑曰少梁文十年晉人取少梁卽此後屬魏更名曰夏陽今爲陝西同州府韓城縣古少梁城在縣南後漢志以河南梁縣爲梁國水經注以浚儀大梁爲梁國皆悞

高士
奇

○梁伯益之後

秦仲有功平王封其少子康於夏陽梁山

通志氏族畧

○梁國在今陝西

同州府韓城縣南二十里後入秦曰少梁

春秋與圖

桓九年僖十七年傳

之梁位是也水經注乃曰大梁周梁伯之居後魏惠王自安邑徙都

之竹書紀年梁惠成王六年四月甲寅徙都於大梁是也

見梁水注是誤

以少梁爲大梁而不知大梁不近秦也後漢志河南尹梁故國伯翳

後注引博物記曰梁伯好土功今梁多有城亦誤

顧棟高大事表顧炎武日知錄參

郟

桓二年書取郟大鼎于宋杜注郟國濟陰城武縣東南有北郟城僖

二十年書郟子來朝杜注郟姬姓國彙纂曰蓋郟有二城北郟城則

爲郟國又南二里曰南郟城則爲宋邑隱十年取郟是也俱在兗州

府城武縣按富辰言郟爲文昭文王之子聃季之弟無時君諡號不

知誰滅之晉亦有郟成十三年傳焚我箕郟是也姓氏書言郟分南

北南入晉北入宋有郃氏郃氏然則二郃一滅於晉一滅於宋其南

郃城爲宋邑者亦郃國別城耳漢有郃成縣屬山陽郡後漢省入成

武縣屬濟陰郡今曹州府城武縣東南有郃城高士奇○案孔氏不

知北郃誰滅路史云宋并之蓋因宋賂郃鼎而爲此說或以地近宋

之南郃故終無確證梁履繩補釋○杜注桓二年郃大鼎云郃國所造器

按郃有國有邑隱十年魯取之郃爲宋邑若郃國則僖二十年郃子

尙見於經非宋於此時能有其地也杜於隱十桓二俱云濟陰成武

混而爲一矣郃國未亡寶器不得遷於宋鼎當是宋於郃邑鑄之者

若郃子之封未詳所在而成武之郃必非其國都杜解淆亂王夫之

○愚按王氏辨杜之誤是也惟舊說亦以宋邑之南郃爲故國鼎爲

南郃國器王氏竟以爲邑鼎爲就邑所鑄亦意之爾

隨

桓六年傳楚武王侵隨杜注義陽隨縣按世本姬姓不知始封爲誰桓八年楚子會諸侯於沈鹿黃隨不會楚子伐隨戰於速杞冬隨及楚平時鬬伯比曰漢東之國隨爲大莊四年楚營軍臨隨隨人懼行成僖二十年經書楚子伐隨傳曰隨以漢東諸侯叛楚鬪穀於莧伐隨取成而還孔疏曰隨自此爲楚私屬不與諸侯會同矣昭十七年楚敗吳師獲其乘舟使隨人守之定四年吳入郢楚昭王踰雒涉漢入於雲中己復奔隨吳人謂隨人曰周之子孫在漢川者楚實盡之君若願報周室施及寡人君之惠也以此知隨爲姬姓矣定五年昭王反國哀元年經復書楚子陳侯隨侯許男圍蔡杜注隨世服於楚不通中國昭王奔隨隨人免之楚以此德隨列於諸侯故得見經其後不知爲誰所滅姓氏書謂楚滅之有隨氏少師氏古城在今湖廣德安府隨州南

高士奇江永

○愚按水經注潁水過隨縣西故隨國也有

涇水逕城西傳云楚武王伐隨除道梁涇軍臨於隨者也

頓

僖二十三年傳楚伐陳城頓而還杜注頓國汝陰南頓縣按僖二十五年書楚人圍陳納頓子于頓杜云頓迫於陳出奔楚也襄四年楚子使頓間陳而侵伐之書陳人圍頓昭四年書會申會伐吳五年又會伐吳皆從楚二十三年書爲吳敗于雞父定四年書從會于召陵侵楚十四年書楚陳滅頓以頓子牂歸傳曰頓子欲事晉背楚而絕陳好楚滅頓漢置南頓縣屬汝南郡志曰故頓子國姬姓應劭曰頓迫於陳其後南徙故號南頓蓋其南徙在楚納頓子時也今陳州府項城縣北有南頓故城高土奇江永○愚按水經注潁水東南過南頓縣故頓子國周之同姓潁水又東合谷水水逕南頓縣故城南春秋之頓自頓徙南其城在頓南三十餘里

卷二

夔

公羊作夔

僖二十六年書楚人滅夔以夔子歸杜注夔楚同姓國今建平秭歸縣左傳夔子不祀祝融與鬻熊楚人讓之對曰我先王熊摯有疾自竄於夔吾是以失楚又何祀焉楚滅之杜注熊摯楚嫡子有疾不嗣位故別封按夔地卽楚之丹陽爲熊繹始封之地當時熊摯自竄不過遜居國都之側楚因而封之其後楚徙都枝江夔乃獨爲一國然則夔以世守宗邑而承祀尤爲不可廢墜也夔旣滅其地爲歸鄉宋忠曰歸卽夔也漢置秭歸縣屬南郡地里志注歸鄉故歸子國吳以後屬建平今爲湖廣宜昌府歸州州西南有夔子城地名夔沱高土奇江永○愚按宋忠語見水經注卷三十四酈氏云熊摯居於夔爲楚附庸○熊摯別封楚世家無其事不知熊摯是何君之適何時封夔案鄭語孔晁注云熊繹元孫曰熊摯有疾楚人廢之立其弟熊延熊摯

自弃於夔子孫有功王命爲夔子亦不知何據孔疏○史記楚世家熊

渠卒子熊擊紅立案熊擊熊紅爲兄弟二人皆熊渠子也史於世表

世家俱合擊紅爲一人殊誤梁玉繩史記志疑○楚滅夔公羊作隗非也隗

乃狄族夔則蠻國毛奇齡簡書刊誤○夔隗音相近故公羊作隗夔與歸古

音亦相類故水經注作歸鄉地理志作歸子國並假音字趙坦異文箋

介

僖二十九年兩書介葛盧來三十年書介人侵蕭杜注介東夷國在

城陽黔陬縣按傳載葛盧通獸語疏引周禮夷隸貉隸掌與鳥獸言

鄭氏曰夷隸貉隸征東北夷所獲介東夷故能曉之也漢黔陬縣屬

瑯琊郡後漢屬東萊郡有介亭引左傳襄二十四年齊伐莒侵介根

卽其地晉屬城陽郡今萊州府膠州西南黔陬城是高氏江氏參

姜戎

僖三十三年書晉人及姜戎敗秦于殽杜注姜姓之戎居晉南鄙襄十四年晉執戎子駒支范宣子數之曰來姜戎氏昔秦人迫逐乃祖吾離於瓜州乃祖吾離來歸我先君我先君惠公有不腆之田與汝剖分而食之對曰昔秦人貪於土地逐我諸戎惠公蠲其大德謂我諸戎是四嶽之裔胄也毋是翦棄賜我南鄙之田杜注四岳之後皆姓姜此戎本遠處瓜州秦貪其土晉貪其人二國共誘而使遷耳○按杜注以姜戎爲陸渾之別部誤也辨見四裔門

沈

文三年書會伐沈沈潰杜注國名汝南平輿縣北有沈亭成八年傳晉侵沈獲沈子揖蔡聲子所云鱣角之役晉侵蔡襲沈獲其君卽此事也襄二十八年沈子朝於晉以宋之盟故昭四年五年一書會申再書從楚伐吳十三年傳曰楚靈王遷沈於荆山平王立而反之二

十三年書吳敗諸國之師于雞父沈子逞滅定四年書蔡公孫姓滅沈以沈子嘉歸傳云沈人不會于召陵晉使蔡伐之蔡滅沈楚爲沈故圍蔡滅後屬楚爲平輿邑漢置縣屬汝南後漢書曰沈姬姓今汝州汝陽縣東南六十里有平輿故城沈亭在其地高士奇江永○沈姬姓子爵通志氏族畧○又金天氏之後有沈封於汾川晉滅之與此別高士奇

郡

僖二十五年傳秦晉伐都

陳樹華集解攷正曰都在秦楚界與晉懸隔晉文方敗南陽何暇會秦遠伐傳中無

一語及晉則

楚關克屈禦寇成商密秦師囚之以歸杜注都本在商

密秦楚界上小國後遷於南郡都縣商密都別邑今南鄉丹水縣孔疏杜據在後移都而言其實此時在商密後南徙於都縣此時國名爲都所都之邑名商密按文五年書秦人入都蓋楚人戍以爭之不克因遂徙之南郡當在此後矣楚昭王徙都都水經注謂之鄢郢按

酈注云沔水逕都縣故城南古都子之國自商密遷此爲楚附庸楚滅之爲縣南臨沔津昭王所都所謂鄢郢也秦於其地置若縣屬南郡漢因之後漢改爲都縣晉因之南鄉郡晉初之名後改順陽郡今河南南陽府淅川縣西有丹水故城古都國也南郡都縣今爲湖廣襄陽府宜城縣都故城在縣東南

高士奇江永

○都少昊後子爵允姓

史路

也

洪亮吉春秋左傳詁

六

文五年楚人滅六杜注廬江六縣按世紀偃姓子爵臯陶次子仲甄封此傳云六人叛楚卽東夷滅後地入楚秦爲六縣屬九江郡漢初黥布都六武帝時爲六安國治後漢屬廬江郡今在江南六安州北

高士奇江永

○按水經注泚水東北過六縣東故臯陶國縣有臯陶冢○

汪氏謂壽州安豐誤安豐今霍邱境乃蓼國故墟非六也

王夫之
碑疏

文十八年傳注庭堅卽臯陶字孔疏謂本於鄭元論語注今不知鄭得之何書馬永卿曰若庭堅卽臯陶則文仲不應連言之似是兩人羅泌曰六臯陶之後而蓼則庭堅之後預說誤矣今案焦贛易林云虓降庭堅爲陶叔後封於蓼六福履綏厚然則庭堅者乃臯陶之子若孫耳先漢去古未遠焦氏所傳宜得其真蓋二國皆臯陶後而庭堅則或以支子別封自爲其國之祖故文仲得並舉之也

陸粲左
傳附注

雒戎

僖十一年傳楊拒泉臯伊雒之戎共伐王城杜注楊拒泉臯皆戎邑諸戎居伊水雒水之間河南雒陽縣西南有戎城孔疏此陸渾未遷以前先居伊雒者伊水出上雒盧氏縣熊耳山至河南雒陽入洛洛水出上雒縣冢領山經宏農至河南鞏縣入河按文八年書公子遂

及雒戎盟于暴卽此

高士奇江永

○後漢志雒陽圍鄉注西南有戎城

季本

地○案文八年左氏傳云遂會伊雒之戎是伊雒二字可並言經文

作雒戎從省文公羊文八年作伊雒戎當是不省伊字

趙坦異文箋

麋 公羊作麋

文十一年書楚子伐麋左傳厥貉之會麋子逃歸故伐之成大心敗麋師於防渚潘崇復伐麋至錫穴杜注錫穴麋地蓋卽麋之國都矣漢錫縣屬漢中郡注曰音陽卽春秋之錫穴也今爲鄖陽府治鄖縣十六年楚伐庸麋人率百濮聚於遷是時麋猶存庸在上庸爲今竹山縣麋之錫穴及防渚爲今之鄖縣房縣其地接壤庸滅而麋亦不復存矣

高士奇

棟高江永

○又按定四年吳入郢吳師居麋麋或作麋在安

陸境與麋國遠

高士奇顧棟高

○又按防渚秦爲房陵蜀劉封孟達攻上庸

孟達據房陵降魏蓋隴蜀咽喉蜀魏必爭之地也明流賊羅汝才據

房縣蓋幅員曠遠接壤四川爲藏匿伏奸之地又○路史國名紀三

以縣爲麋云麋羊姓子春秋無麋國強分爲當陽之麋以麋爲房陵

之麋不可案據梁履繩補釋○惠棟云麋亦作麇按盛宏之荊州記當陽

本楚之舊引傳潘崇伐麇釋例云麇在當陽阮元左傳注疏校勘記○左作麋

釋文九倫反公作圉釋文求阮反案圉說文卷聲則音當近相與九

倫切之麋字音正相近廣韻以圉氏本氏其國是古有圉國也或卽

楚所伐之麋歟趙世異文箋

巢

文十二年書楚人圍巢杜注巢吳楚間小邑廬江六縣東有居巢城

按巢國古諸侯書巢伯來朝芮伯作旅巢是也成七年吳始伐楚伐

巢十七年舒庸以楚師之敗道吳人圍巢襄二十五年書吳子遏伐

楚門于巢卒昭四年遠啟疆城巢以備吳五年楚子伐吳還使沈尹

射待命於巢二十四年書吳滅巢二十五年楚使熊相謀郭巢蓋巢已亡而楚欲據其地也史記吳公子光六年大敗楚軍於豫章取楚之居巢而還自是巢入於吳矣秦爲居巢縣亦曰居鄴漢仍之屬廬江郡今巢故城在廬州府巢縣東北有巢湖寰宇記云古居巢城陷處高士奇江永○巢周不得姓之國有巢氏之後堯時有巢父夏商有巢國其地在廬江通志氏族畧○巢伯殷之諸侯伯爵也南方遠國書旅巢命序傳○巢與舒六鄰近傳云羣舒叛楚執舒子遂圍巢是也姚舜牧疑問○愚按水經注沔水東北出居巢縣南古巢國也湯伐桀桀奔南巢卽巢澤也周有巢伯春秋楚人圍巢巢羣舒圍也舒叛故圍之

巴

桓九年傳巴子使韓服告于楚請與鄧好杜注巴國在巴郡江州縣孔疏楚子與巴姬埋璧則巴國姬姓昭九年傳曰巴濮楚鄧吾南土

也今爲重慶府巴縣江水逕其城南三折如巴因名文十六年書楚

人秦人巴人滅庸

江永顧棟高

○愚按水經注江水又東北至巴郡江州

縣東縣故巴子之都也及七國稱王巴亦王焉秦惠王執其王以歸而置巴郡○武王伐殷巴人助焉其人勇銳歌舞以臨殷郊後封爲

巴子

李吉甫元和郡縣志

○王氏曰夔州以西敘州以北皆古巴國地

顧祖禹讀史方

輿紀要

庸

文十六年書楚人秦人巴人滅庸杜注庸今上庸縣屬楚小國按傳楚大饑庸人率羣蠻以叛楚楚使廬戢黎侵庸及庸方城又與之遇七遇皆北惟裨僚魚人逐之庸人遂不設備秦人巴人從楚師羣蠻從楚子盟遂滅庸楚自此益強晉欒武子曰楚自克庸以來其君無日不討國人而申儆之蓋其視此役也甚重矣庸本古國武王伐紂

庸蜀從之都上庸秦置上庸縣漢因之屬漢中郡三國時爲魏蜀爭地水經注沔水條下堵水東北逕上庸郡故庸國其城三面際水有白馬山謂之白馬塞蜀孟達歎爲金城千里今爲湖廣鄖陽府竹山縣裨僚魚庸三邑魚魚復也今夔州府奉節縣方城庸地今竹山縣東有方城山四圍險固山上有城

高土奇
顧棟高

崇

公羊作柳

宣元年書晉趙穿帥師侵崇杜注秦之與國按文王之鄆邑本崇國商崇侯虎地文王滅崇作豐故詩曰旣伐于崇作邑于豐僖十九年傳子魚謂宋襄公曰文王聞崇德亂而伐之軍三旬而不降退修教而復伐之因壘而降襄三十一年傳北宮文子言於衛侯曰文王伐崇再駕而降爲臣卽其事也武王遷鎬封其弟爲鄆侯竹書紀年成王十九年黜鄆侯自是絕封春秋之崇蓋後居鄆而襲崇之舊號者

今西安府鄠縣東五里有鄠城

高士奇
夔棟高

○通志氏族畧云崇地在鄠

縣東鄠故城在縣北三十里故扈城在縣北二十里蓋夏爲扈商爲

崇周爲鄠又爲崇雖並居鄠縣遷移不一謹案一統志云鄠縣故城

在今鄠縣治北則鄠在今縣之東

梁履繩
補釋

○杜但云秦之與國未詳

其地而任公輔謂在鄠縣按鄠於夏爲有扈氏於殷爲崇侯虎之國

文王滅之其地入周末聞以封諸侯密邇鎬京固周畿內地且鄠在

上林苑南與杜陵接壤北隔渭水周京故地已爲秦據趙穿豈能帥

孤軍穿秦境南涉渭水而侵之則周自有周之崇非殷之崇也此崇

必在渭北河湄雖隣秦而地則近晉

王夫之
裨疏

○公羊曰柳者何天子

之邑也曷爲不繫乎周不與伐天子也柳果天子之邑正當書周使

知趙穿伐天子之邑爲後世戒如沒周之實則後世孰知其故哉

程端

學三傳
辨疑

○按尙書大傳鄭注柳聚也齊人語廣雅釋詁云崇聚也此

必齊人讀崇爲柳故其訓同公羊崇作柳正齊人方音之轉

文箋 趙坦異

○崇柳音義並通古音東冬尤幽相出入如嘗婁之作叢亦是

張壽 恭古

義

陸渾戎 公羊作賁渾

宣三年書楚子伐陸渾之戎昭十七年書晉荀吳滅陸渾之戎按此卽瓜州允姓之戎也又曰陰戎九州戎高氏說詳傳小戎子下○昭九年傳曰允姓之姦居於瓜州杜注今敦煌地僖二十二年秦晉遷陸渾之戎於伊川杜注允姓之戎居陸渾在秦晉西北二國誘而徙之合二註觀之知陸渾爲敦煌地名徙之伊川仍從戎號至今爲陸渾縣也成六年晉鄭衛及伊雒之戎陸渾蠻氏侵宋昭九年晉率陰戎伐潁杜注陸渾之戎也昭十七年晉滅陸渾戎陸渾子奔楚其餘服屬於晉謂之九州戎昭二十二年晉籍談荀躒帥九州之戎納王

杜注謂卽陸渾戎滅而屬晉州鄉屬也五州爲鄉又哀四年楚圍蠻氏蠻子赤奔晉陰地楚使謂陰地之命大夫士蔑士蔑乃致九州之戎執蠻子畀楚漢置陸渾縣屬宏農郡今爲河南府嵩縣古伊闕地伊川今河南汝州伊陽縣也陸渾近晉陰地故曰陰戎

高氏參江氏

○史

記集解服虔云陸渾在洛西南

洪亮吉春秋詁

○愚按水經注伊水過陸渾

縣南歷山峽卽三塗山也山在陸渾故城東南傳曰四嶽三塗九州之險春秋晉伐陸渾請有事於三塗是矣伊水又東北涓水注之水出陸渾西山卽陸渾都也○公作賁字之譌

趙坦異文箋

鄉

宣四年書公及齊侯平莒及邾十六年書邾伯姬來歸成七年書吳伐邾八年書叔孫僑如會伐邾襄七年書邾子來朝昭十六年傳徐人及邾人盟齊侯于蒲隧十七年又書邾子來朝哀十年傳公會吳

子邾子邾子伐齊南鄙杜未註地所在昭十七年傳邾子述其祖少
皞氏摯杜云少皞金天氏黃帝之子已姓之祖也按漢書曰黃帝之
子青陽其子孫名摯是爲少皞是也班志以爲嬴姓誤邾國春秋後
猶存漢置邾縣爲東海郡治志曰故邾國也今爲沂州府邾城縣故
邾城在縣西南

高士奇
江永

○愚按水經注沂水過邾縣西故國也竹書

紀年晉烈公四年越子末句滅邾○傳述夫子之言曰天子失官學

在四夷所謂夷者如孟子所謂舜爲東夷之人文王爲西夷之人爲

言遠也或者遂以邾爲夷國失之矣

家鉉翁
詳說

○魯是少皞之墟邾又

少昊之裔故昭子以少皞名官問焉

齊召南左傳
注疏考證

○邾近吳而昏於

魯宣十六年邾伯姬來歸有罪而出未嘗朝魯蓋能守國正家不畏
強禦者也成七年一被吳兵與之成八年晉率三國伐之不能少加
於邾至襄七年始朝於魯其卽魯壻或爲魯甥皆未可知也後復朝

於魯其答叔孫問官風流該博郊偏強鄰而猶足以保世豈偶然哉

姜炳璋讀
左補義

白狄

僖三十三年傳卻缺獲白狄子杜注狄別種西河郡有白部胡按白狄在西河之西今陝西延安府地晉告秦曰白狄及君同州是與秦同在雍州又曰余從狄君田渭濱則其地南至渭水宣八年書晉師白狄伐秦始見經成九年書秦人白狄伐晉襄十八年書白狄來顧氏曰宣公以前單稱狄者皆赤狄也至赤狄滅盡白狄直稱狄成十二年書晉敗狄于交剛昭元年書晉敗狄于大鹵皆白狄也參江承顧世高

○婚姓白狄見潛夫論案穀梁昭十二年傳注云鮮虞姬姓白狄也疏云世本文此婚字疑姬字傳寫之誤梁履繩補釋

萊

宣七年書公會齊侯伐萊杜注萊國東萊黃縣按禹貢萊夷作牧史記太公封營邱萊人來伐與之爭營邱營邱邊萊萊人夷也是萊國在周之前矣宣九年又書齊侯伐萊襄二年傳載齊靈公伐萊萊人賂夙沙衛以索馬牛皆百匹齊師乃還夏齊侯召萊子不會晏弱城東陽以徧之六年書齊侯滅萊傳云於鄭子國之來聘也晏弱城東陽而遂圍萊堙之環城傳於堞堙土山也周城爲土山及女牆及杞桓公卒之月入萊萊共公奔棠陳無字獻萊宗器于襄宮晏弱圍棠十一月滅之遷萊子鄆杜注子國聘魯事在五年襄二年城東陽至五年四月復託言治城因遂圍萊蓋萊甚險固故圍之經年而後克也十四年衛獻公奔齊齊人以邾寄衛侯杜注邾卽所滅萊國襄二十八年傳齊慶封田于萊定十年傳齊侯使萊人以兵劫魯侯哀五年傳齊眞羣公子于萊杜云萊齊東鄙邑也秦於此置黃縣漢屬東萊郡有萊山黃

縣今屬登州府縣東南有萊子城卽龍門山也山峽巉巖鑿石通道

極爲險峻俗名萊子關高士奇江永○萊周不得姓之國子爵其俗夷故

亦謂之萊夷志氏畧○按蔡傳以萊夷爲今萊州地然元和志故黃

城在登州黃縣古萊子國是今之登州府亦禹貢萊夷地也蔣廷錫尚書地

理今釋○爵本侯而稱子者如杞卽夷則成子也萊入齊亦謂之邾襄

四萊之姓本無可攷說者以襄二年有齊侯使諸姜宗婦來送葬召

萊子之事遂謂其姜姓非也梁履繩補釋

根牟

宣九年書取根牟杜注東夷國也瑯邪陽都縣東有牟鄉按路史根

牟曹姓子爵昭八年蒐于紅自根牟至於商衛革車千乘卽此今在

沂州府沂水縣南樂史寰宇記謂在安邱誤青州之安邱有牟山其

地非屬莒卽屬齊必非魯所取之國魯大蒐陳車乘亦必不能至此

高士奇
江永

○公羊妄矣杜預謂根牟爲東方之國近之而非是以取鄭

例言當爲附庸之國

葉夢得公
羊傳

○根牟高陽氏後曹姓

路

○按公羊

以爲邾邑穀梁楊疏駁之崔西疇趙木訥以爲萊邑承上文齊伐萊以爲齊取或又以爲齊以與魯皆不可攷

茅戎 公穀作賀戎

成元年書王師敗績于茅戎傳曰敗績于徐吾氏杜注茅戎戎別種

也徐吾氏茅戎之別也

孔疏徐吾又是茅戎內聚落之名

蓋亦伊雒戎之別部矣水

經注河水篇棗水逕陝城西北入于河河北對茅亭故茅戎邑也

公羊曰晉敗之大陽者也津亦取名焉春秋文公三年秦伯伐晉自

茅津濟是也河南卽陝城也括地志云茅戎在河北縣西今爲解州

平陸縣界平陸本漢河東郡大陽縣地舊虞國都此

高士奇

○一傳

史漢作賀按茅古音近牟茅賀音近也

趙坦異

○茅亭在今平陸境

晉地也大河之濱通津所在非戎所可以雜處且去成周亦遠無患
于周周亦不應涉晉地以伐之按王與晉攢茅之田地_{在河內修武}
西阻太行戎蓋依山而處文十七年周曾敗之于邲垂邲垂漢爲新
城縣在今伊陽縣則爲伊雒以北之戎夾河而介於河內明矣鄭氏
誤也王夫之○按顧氏考茅戎卽蠻氏見四裔門

鄭

成六年書取鄆杜注附庸國也按公羊以爲邾婁之邑非也或曰在
今沂州鄆城縣境高士奇○昭二十六年盟鄆陵或卽鄆國凌氏曰在
兗州府境畢沅晉書地理志補正○汪氏辨公羊說見內取國邑門成六年

州來

成七年書吳入州來昭十三年書吳滅州來哀二年書蔡遷于州來
杜注楚邑淮南下蔡縣是也按左傳申公巫臣教吳叛楚始伐楚伐

巢伐徐馬陵之會吳入州來蠻夷附于楚者吳盡取之蓋吳楚爭強始見於此昭四年吳伐楚入棘櫟麻楚沈尹戌奔命于夏汭箴尹宜咎城鍾離蓬啟疆城巢然丹城州來楚自是始患吳矣十二年靈王狩于州來次于潁尾使蕩侯潘子司馬督囂尹午陵尹喜帥師圍徐以懼吳明年有乾谿之禍楚師還自徐吳人敗諸豫章獲其五帥及平王卽位吳滅州來令尹子旗請伐吳王勿許曰吾未撫民人敗不可悔州來在吳猶在楚也十八年楚人城州來沈尹戌曰昔吳滅州來子旗請伐之王曰吾未撫吾民今亦如之而城州來以挑吳能無敗乎二十三年吳人伐州來楚遠越帥帥及諸侯之師奔命救州來戰于雞父楚師大奔由是州來遂入于吳而入郢之禍兆於此矣林氏曰吳之始圖楚也爭巢鍾離州來蓋七十年而後取之楚失淮由失州來也是矣吳得州來以封季札季札初封延陵後邑于此故曰

延州來季子哀二年蔡昭侯自新蔡遷于州來謂之下蔡爲吳所遷也其後楚滅吳至楚考烈王時逼于秦徙都壽春在淮之南下蔡在淮之北相去三十里夾淮爲固漢置下蔡縣屬沛郡後漢屬九江郡漢末袁術據壽春曹操得之以爲重鎮置淮南郡下蔡縣屬焉晉仍之至於六朝常爲重鎮梁于硤石山下築城拒魏謂之下蔡新城水經注淮水自硤石北逕下蔡故城東本州來城也淮之東岸又有一城曰下蔡新城二城對據翼帶淮瀆是也汴宋南渡謂之南北壽春今江南鳳陽府壽州卽古壽春縣城爲楚考烈王所築州北三十里有蔡國城卽下蔡矣高士奇○孫氏曰州來徵國杜氏曰楚邑淮南下蔡縣是也張氏曰屬壽州愚案楚始封不至淮南壽州本侵小得之非楚邑也特是時屬楚耳孫說是也程端學本○州來爲古來塏淮要地在春秋吳楚之塞也入郢之師舍舟淮汭卽此高士奇然釋經

○愚按杜云楚邑高氏攷畧顧氏都邑表江氏考實並從之彙纂亦然而劉氏倣以爲小國駁杜注之非見書入門彙纂及顧氏爵姓存滅表

兼采焉俟考○州來書入書滅爲國無疑而杜云楚邑當由傳言楚

子狩于州來謂是邑耳如楚子田于孟諸孟諸豈亦楚邑乎州來國

小服役于楚游獵其地惟所爲耳漢志下蔡故州來國在今壽州楚

之東侵疆域止於舒蓼未嘗北至壽潁州來實亡於吳王夫之釋疏○爾

疋釋邱淮南有州黎邱郭注今在壽春縣古來黎同音州黎卽州來

也馬宗建春成左傳補注○成七年嚴氏說見吳楚交兵門

偃陽漢書地理志傳陽

襄十年書遂滅偃陽杜注妘姓國今彭城傳陽縣也按穀梁作傅陽

鄭語白妘姓鄆郟路偃陽漢志傳陽縣屬楚國故偃陽國也師古曰

偃音福後漢屬彭城國水經注沭水篇祖水出於楚之祖地春秋會

吳處彭城偃陽縣西北有祖水溝去偃陽八十里春秋會祖遂滅偃陽是也今在兗州府嶧縣南高士奇江永○汪氏說見書滅門○王方麓

謂偃陽及祖皆在今沛縣乃吳入中國之要路會祖滅偃陽爲吳開

道也封向戌非其本謀余按此與成十八年楚伐彭城皆晉楚吳形

勢之要晉以偃陽子宋於是沛泗諸邑皆爲宋有宋所以入戰國得

附七雄之後也張尙環左傳折諸○按世本是祝融之孫陸終第四子求言

之後爲晉所滅洪亮吉左傳詰○公羊疏偃夫目反釋文云音福棟案古今

人表作福陽穀梁漢志皆作傳按古福字亦讀作副惠棟九經古義○釋文

偃字云徐甫目反又彼力反按徐音是也證以漢書地理志作傳師

古注偃音福益信偃與傳音之轉耳陳樹華按正

邾公羊作詩

襄十三年書取邾杜注任城亢父縣有邾亭按公羊作詩水經注濟

水爲黃水又東南逕任城郡之亢父縣縣有詩亭春秋之詩國也謂之桓公溝南至方與縣入于荷水亢父嘉縣漢因之屬東平國後漢屬任城國晉因之今亢父城在濟甯州南邾城在州東南高士奇江永○公羊以爲邾邑然不書伐邾則非邾邑明矣汪克寬纂疏○說文邾附庸國公羊作詩或古文趙坦異文箋○邾詩皆從寺聲邾爲正字詩爲假借

字張壽恭古義

胡

襄二十八年傳胡子朝于晉杜注汝陰縣西北有胡城按三十一年傳胡女敬歸杜注胡歸姓之國也昭四年書胡子會于申又從伐吳十三年傳曰靈王遷胡于荆平王復之二十三年書吳敗頓胡沈蔡陳許之師于雞父胡子髡滅傳又曰楚逆吳公子取于城父及胡田以與之杜注胡子之田也定四年書胡子會召陵侵楚十五年書楚

滅胡以胡子豹歸漢置汝陰縣屬汝南郡今爲江南潁州府

高士奇江永

○括地志胡城在豫州偃城縣界其地在陳之東蔡之北南近汝南

王夫之

○四庫提要云足補杜注之闕

淮夷

僖十三年會鹹傳曰淮夷病杞故昭四年書淮夷會于申又同伐吳

昭二十七年傳范獻子曰季氏甚得其民淮夷與之杜注淮夷魯東

夷見昭二
十七

按詩江漢傳曰淮夷東國在淮浦正義曰知在東國者禹

貢徐州淮夷蠙珠則淮夷卽徐州也春秋淮夷病杞齊桓公東會於

淮以謀之左傳謂之東畧

僖十
六

是淮夷在東國也又昭元年傳曰周

有徐奄杜注引書序成王伐淮夷遂踐奄以爲徐卽淮夷說本賈逵

孔疏費誓云淮夷徐戎並興孔安國云淮浦之夷徐州之戎並起爲

寇則此徐卽魯公所伐之徐戎也書費誓序又云徐夷並興東郊不

開則此夷在魯之東也世本淮夷嬴姓魯地盡江南海州沐陽縣淮

夷當在今淮安府山陽安東之間

參高氏攷畧十一梁氏補釋六顧氏大事表三十九

○淮南

北近海之地皆爲淮夷書序曰武王崩三監及淮夷叛又曰成王東

伐淮夷遂踐奄費誓曰徂茲淮夷徐戎並興詩序曰宣王命召公平

淮夷常武曰率彼淮浦省此徐土又曰截彼淮浦王師之所魯頌曰

奄有龜蒙遂荒大東至於海邦淮夷來同僖十三年左傳曰淮夷病

杞此皆淮北之夷在徐州之域者也江漢之詩曰江漢浮浮武夫滔

滔匪安匪遊淮夷來求春秋昭公四年楚子召諸侯及淮夷會于申

此皆淮南之夷在揚州之域者也漢臨淮郡有淮浦縣今爲安東縣

屬江南淮安府淮水從此入海卽詩所謂淮浦矣淮夷蓋在東方荒

服之內故亦謂之東夷

昭五年傳曰及東夷伐吳

今淮揚二府近海之地皆是

胡涓

禹貢
錐指

申

隱元年傳鄭武公娶于申杜注申國今南陽宛縣孔疏外傳云申呂雖衰齊許猶在知四國同出伯夷姜姓也國語齊許申呂由太姜言由太姜而得封則申之始封亦在周初矣其後申絕宣王時申伯以王舅改封于謝崧高之篇乃其事也地理志南陽郡宛縣故申伯國謂宣王改封之後也以前則不知其地高氏按潛夫論曰申在宛北序山之下路史曰序卽謝也則申卽謝無疑江氏按謝在今南陽府鄧州境申伯雖封于謝其後仍國于申鄧州在南陽府之西南楚文王伐申過鄧莊六年傳是以知申在南陽縣也楚既滅申以爲縣子重請申呂爲賞田巫臣曰此申呂所以邑成七年傳呂亦在南陽縣故合言之今河南南陽府南陽縣北有故申城高氏攷畧江氏考實○楚文王二年與巴人伐申事見莊六年十八年傳蓋國自此滅矣哀十七年傳子穀曰

彭仲爽申俘也文王以爲令尹實縣申息杜注文王滅申息以爲縣
卽其事也後爲楚封邑有申公春秋之世申息爲楚要地僖十五年
鬬克屈禦寇以申息之師戍商密二十六年申公叔侯戍穀二十八
年城濮之役楚子入居于申文十八年羣蠻叛楚申息之北門不啟
成六年楚以申息之師救蔡八年晉敗申息之師于桑隧獲申驪焉
見襄二十六年傳 蓋每有攻伐必發其兵也昭四年書楚子會諸侯于申十

一年書楚子誘蔡侯殺之于申卽此高氏攷畧○林氏曰楚有圖北方之

志其君多居于申合諸侯又在焉巫臣曰無申呂晉鄭必至于漢天

下重地也顧氏大事表險要篇顧說又詳楚疆域論○申爲王室重地宣王所以封元

舅作屏翰者楚滅而有之申公巫臣曰此申呂所以爲邑也是以爲

賦以禦北方申之北方切近王畿肆然有窺王室之志故合諸侯於

此其志豈在吳哉朱朝瑛記○林之奇曰楚以申息爲經營中國之本

故三軍二廣不常出大抵用申息之師秦漢之時南陽爲要地故楚有圖北方之志其君恒居於申大合諸侯亦在焉

朱鶴齡讀左日抄成六年

○宣

王封申伯于南陽以制荆蠻其詩曰于邑于謝南國景式是也然最失策者封申之役蓋南陽者東都之咽喉天下之形勝四面以制諸侯者也申侯封而宛之東南滎陽之東北俱非周有東都之險失鎬京之形孤矣犬戎入周東南諸侯無來救者以申侯據形勝塞其路也犬戎不得申侯之援則不敢深入申侯不塞南陽之路則不得召戎也其後申遂滅于荆

惠周傷詩說

○申有二莊六年楚文王伐申小國

程公說分記

○愚按昭四年經所

書之申雖已爲楚縣非國而其國當春秋之初固存也故不入楚邑

而列入小國

鮮虞

昭十二年傳晉荀吳偽會齊師者假道於鮮虞遂入昔陽秋滅肥以肥子縣皐歸冬書晉伐鮮虞傳曰因肥之役也杜注鮮虞白狄別種在中山新市縣按史記索隱中山卽鮮虞國姬姓昭十三年傳荀吳自著雍侵鮮虞及中人大獲而歸十五年書晉荀吳伐鮮虞傳曰克鼓以鼓子歸定三年傳鮮虞人敗晉師于平中獲晉觀虎四年傳荀寅曰中山不服棄盟取怨無損於楚而失中山是年書晉士鞅衛孔圉伐鮮虞五年書晉士鞅圍鮮虞報觀虎之役也哀元年傳鮮虞人偕魯齊衛伐晉三年傳齊衛圍戚求援于中山四年傳荀寅奔鮮虞齊會鮮虞人納荀寅于柏人六年書晉趙鞅伐鮮虞治范氏之亂也蓋晉嘗竭力圖中山終春秋之世不能取戰國時爲趙所滅漢置新市縣屬中山國今直隸正定府新樂縣西南有新市故城其地有鮮虞亭

高士奇

○江氏曰如索隱說則鮮虞似非白狄別種○張洽集

註云古鮮虞國子姓而何休范甯皆以爲姬姓未知所據

李廉會通昭十二年

○案穀梁傳疏以鮮虞姬姓爲世本文故韋昭注鄭語亦云姬姓在翟者世族譜及史記趙世家索隱同愚據戰國策中山以陰姬爲后

則當是子姓

梁履繩補釋廿四

戎蠻

公羊作戎曼

成六年傳晉伯宗夏陽說衛孫良夫甯相鄭人伊維之戎陸渾蠻氏侵宋杜注蠻氏戎別種也河南新城縣東南有蠻城襄五年王使王叔陳生愬戎於晉昭十六年書楚子誘戎蠻子殺之傳曰楚子聞蠻氏之亂也使然丹誘戎蠻子嘉殺之遂取蠻氏既而復立其子焉哀四年書晉人執戎蠻子赤歸于楚傳曰楚人既克夷虎乃謀北方單浮餘圍蠻氏蠻氏潰蠻子赤奔晉陰地楚師臨上雒晉士蔑致九州之戎誘執蠻子以畀楚師杜注夷虎蠻夷叛楚者漢志河南新城縣

日蠻中故蠻子國後漢志新城有鄆聚古鄆氏今名蠻中今汝州西南有蠻中聚即戎蠻子國俗呼麻城麻蠻聲相近耳高士奇江永○蠻城在今汝州西南西踰伊闕則為陸渾之戎以在申葉許鄭之西而南界楚之白羽故楚誘殺之季本私考

郟

昭十八年書邾人入郟杜注郟國琅邪開陽縣按水經注沂水篇開陽在邾之東南沂水逕其南故郟國也今沂州府北有開陽故城江

○參看魯地啟陽○郟子爵風姓一云妘姓通志氏族畧

附見傳不見經之小國

前代之國周時不存者不錄○參采彙纂高麗江說梁氏補釋

其隱元年傳段叔出奔其杜注其國汶都共縣今為濰縣府輝縣按此其伯和之國厲王時諸侯後為魯併閔二年傳其勝之民是也

夷隱元年傳紀人伐夷杜注夷國在汝陽莊武縣按世本妘姓無其人今萊州府自製西有莊武故城

息隱十一年傳息侯伐鄭杜注息國在汝南新息縣按世本姬姓莊十四年傳楚子滅息自此入楚為封邑屈禦寇為息公見僖二十五

年傳息公子朱見文二年傳文十年陳侯鄭伯會楚子于
息卽此漢置新息縣今河南汝南府息縣西南有息城

魏

見氏族門晉大夫魏氏下

芮

桓三年傳芮伯萬出居于魏杜注在馮翊臨晉按芮姬姓伯爵詩
虞芮卽此芮詹桓伯日魏駘芮歧畢吾西土也蓋久在西周邦域
中桓四年秦師侵芮芮王師秦師圍魏執芮伯九年芮伯弒戎伐晉
十年秦納芮伯萬自後不見竹書謂秦穆滅之今故城在同州府

朝邑

荀

桓九年傳晉侯賈伯伐曲沃見氏族晉大夫荀氏下

賈

見上按晉獻公娶于賈杜注姬姓國唐書表云康王封唐叔虞少
子公明爲賈伯姓氏書云曲沃滅之今平陽府臨汾縣有賈鄉
桓十一年傳楚屈瑕將盟貳軫軫人軍于蒲騷將與隨

貳

紱州蓼伐楚師杜注貳國名按在今隨州應山縣境

軫

見上杜注國名按在今德安府應城縣西

鄖

見上杜注鄖國在江夏雲杜縣有鄖城按宣四年傳有鄖子蓋卽
鄖也後滅于楚昭十四年楚使鬬辛居鄖定四年昭王自雲中奔
鄖漢志江夏竟陵縣有鄖鄉楚鄖公邑應劭曰雲杜縣有鄖亭卽

紱

若敖妻處水經注澗水逕安陸故城古鄖城今爲德安府安陸縣
見上杜注國名按十二年楚伐紱大敗之卽此在今鄖陽府西北

州見七杜注國在南郡華容按哀十七年傳楚子穀曰武王克州 州服隨唐蓋二國不久皆滅秦置州陵縣今荆州監利縣有州陵城

蓼見上杜注蓼國今義陽棘陽縣東南湖陽城按即古縣國昭二十 九年傳曰昔有騶叔安騶則叔安之初封總處其地者為蓼亦曰

力楚得其地謂之胡陽漢志南陽郡湖陽縣注故蓼國音 力救反左傳作騶其音同耳今在河南南陽府唐縣南

羅桓十二年傳楚伐絞涉於彭羅人欲伐之杜注羅熊姓國在宜城 羅縣西山中後徙枝江按十三年屈瑕伐羅自後不見蓋遷于楚矣

楚遷之枝江又自枝江徙長沙今襄陽宜城縣西羅川城乃羅故 國其在岳州府平江縣南南羅城與長沙府湘陰接界是後徙盧

盧桓十三年傳羅與盧戎兩軍之杜注南蠻也按文十六年傳曰 盧戎自盧以往振廩同食使廬戢黎侵庸廬即故盧戎國楚滅之為

廬邑孔疏廬與廬通漢置中廬縣 廬今中廬故城在襄陽府南漳縣東

權莊十八年傳楚武王克權杜注國名南都 權當陽縣東南有權城今屬湖北安陸府

大戎莊二十八年傳晉獻公娶二女子成其戎子狐姬生重耳杜注 大戎唐叔子孫別在戎狄者按孔疏晉語狐氏出自唐叔之後

狐伯行之子當在今陝西延安府境江氏據開苦瘳四書釋 狐伯犯為狐突之子即大戎人在今山西太原府交城縣境

小戎又小戎子生夷吾杜注小戎允姓之戎按昭九年傳晉率陰戎 小戎伐潁王使詹桓伯辭于晉曰允姓之戎居于瓜州伯父惠公歸

國自秦而誘以來杜注允姓陰戎之祖瓜州今敦煌此戎後遷中 國為陸渾之戎又曰陰戎又曰九州戎倍二十二年秦晉遷陸

國為陸渾之戎又曰陰戎又曰九州戎倍二十二年秦晉遷陸

渾之戎于伊川此時尚在瓜州在今肅州衛西五百餘里晉與
爲婚必不踰越荒微是知戎之別族早有內徙者特不能明其
處耳○瓜州遠獻公豈至此娶女杜說

誤小戎者大戎之別其地當近交城

戎 又伐驪戎驪戎男女以擊姬杜注姬姓男爵按今西安臨潼縣
有驪戎城驪山以戎國名大戎殺幽王處秦皇葬處唐行幸處

耿 閔元年傳晉滅耿滅霍滅魏賜趙夙耿杜注三國皆姬姓平陽皮
氏縣有耿○按祖乙圯於耿卽此今平陽府絳州東南有古耿城

霍 見上杜注永安縣有霍太山按史記武王第八子封于霍周公降
霍叔於庶人三年不齒後乃封爲霍侯至霍哀公爲晉所滅以地

賜大夫先且居交五年傳霍伯卒卽且居也後以大旱卜之曰
霍太山爲崇復召霍君奉祀尋復滅之今平陽霍州西有霍城

大戎 閔二年傳虢公敗大戎于渭汭杜注西戎別在中國按穆天子
傳大戎胡傷天子于雷首之阿雷首山在蒲州府對河爲陝西

華陰渭水
入河處

東山臯落氏 閔二年傳晉太子申生伐東山臯落氏杜注赤狄別種
臯落其族按此赤狄見經之始孔氏曰潞臯落皆國名

蓋諸國潞爲大臯落當赤大國其餘皆服屬于潞氏者今潞安
府潞城縣古潞子國太原樂平縣東有臯落山臯落因山以名

道 信五年傳江黃道柏皆茲姻也杜注道國在汝南安陽縣南按安
陽當從漢志作陽安屬汝南郡應劭曰陽安縣有道亭今汝甯府

確山縣東北有陽安故城其南卽道國也○
按昭十三年傳云靈王遷之于荆平王復之

柏 見上杜注柏國在汝南西平縣按西平漢縣屬汝南郡

密 已見六年新密下也漢志河南郡密故國即此今河南許州府密

縣是也其姑姓者在安定商時國西伯所伐者詩密人不共周語

共王滅密史蘇曰密須之亡由伯姑韋昭注以爲姬姓蓋誤昭十

五年傳曰密須之鼓杜注姑姓國在安定陰密縣在今陝西平涼府靈臺縣西

任 信二十一年傳任宿須句緇與風姓也賁司太皞與有濟之祀杜

顓 見上杜注在泰山南武陽按顓與在蒙山之陽魯附庸國論語

管 也杜注管國在榮陽京縣東北按宣十二年傳晉師伐鄭楚子次

于管以待之此即管叔所封同管除屬鄭師滅鄭滅戰國

毛 見上見周邑

聘 見上按史記爲文王第十子聘季葢之國不知其地國語聘由鄭

姬蓋因鄭姬而亡信二年傳鄭有剛伯似鄭滅之以爲采邑當在

開封府境○顧氏云聘國于那處當爲楚所滅史記文王少子季

毅封于冉孔氏曰冉一作邲或作那皆讀曰然今那口也即春秋

之邪處莊十八年楚遷權于邪處則時之滅又

在權前今安陸府荆門州東南有邪口城

雍

見上杜注雍國在河內山陽縣西北按周本紀武王入商紂官周公把

畢

見上杜注畢國在長安縣西北按周本紀武王入商紂官周公把

左

畢公卒西方諸侯入應門右康王十二年以成周之衆命畢公

保

蓋東郊蓋畢公之親賢亞於周召矣乃史記魏世家又云畢公

高

與周同姓武王伐紂而高封于畢爲畢姓似非文王子者此史

文

之跡也竹書穆王十四年狄人侵畢後不知何以亡史記曰其

後

絕封爲庶人裔孫曰畢萬事晉獻公漢長安縣爲

京

兆尹治晉屬京兆郡今西安府咸陽縣北有畢原

原

見上杜注陰十一年傳王與鄭人田有溫原蓋絕封而歸于王也杜

注

沁水縣西北有原城晉受原不服伐之後趙襄爲原大夫故趙

同

爲原同今懷慶府

濟

源縣西北有原鄉

鄧

見上杜注在始平縣東按此卽文王所宅之鄧邑也本崇國文

于

此竹書成王十九年王巡守侯甸黜鄧侯蓋國除

久

矣昭四年傳曰康有鄧宮之朝今鄧縣屬西安府

郇

見上按文王庶子封此詩郇伯是也後并于晉所謂郇瑕也傳二

十

四年傳又曰晉師退軍于郇杜注解縣西北有郇城水經注涑

水

逕荷氏故城北又西逕郇城郇伯國也

今

在臨晉縣東北○此與荀侯之荀異

附

見傳不覓輕小國

卷之六

六

附見傳不覓輕小國

三

邗 又邗晉應韓武之穆也隱十一年傳王取鄆劉蔣之田于鄭杜

注蔣邗鄭二邑卽此也後屬晉漢爲河內郡野王縣孟康曰故邗

國後漢志亦曰野王有邗城注引史記爲邗三公邗侯所居邗一

作邗武王以封其子水經注邗水逕邗城西故邗國也今懷慶府

河內縣西北有邗臺鎮古邗城也○又按唐書宰相世

系表云武王第二子邗叔通志氏族畧云于氏卽邗氏

應 見上杜注在襄城城父縣西南按汲冢古文殷時有應國蓋卽舊

墟以封也通志氏族畧應氏侯爵武王第四子韓詩外傳誤以叔

虞利圭事當之辨見漢書注秦范雎封此曰應侯漢爲父城縣屬

潁川郡有應鄉故應國晉屬襄城郡杜作城父傳寫之誤括地志

應國因應山而名水經注潁水合橋水逕應山

又逕應城今汝州寶豐魯山二縣界有應城

見上○此詩之韓侯也與晉之韓地別見晉地○左傳說晉滅諸

國云霍揚韓魏皆姬姓也晉之滅韓未知何君之世詩正義云

凡 又凡蒔那茅祭周

公之允也凡見周地

蔣 見上杜注在弋陽期思縣按周公第五子伯益封于蔣爲蔣男以

有功進爵爲侯莊公時楚滅之爲期思縣文十年傳莊王田孟諸

期思公復遂爲右司馬復遂期思邑公也漢置期思縣屬汝南郡

師古曰故蒔國晉屬弋陽郡今期思故城在光州固始縣西北

茅 見上杜注高平昌邑縣西有茅鄉按茅伯所封後爲邾邑哀七年

茅成子以茅拔是也昌邑漢屬梁國晉初高平國今兗州金鄉縣

見上杜注東燕縣西南有非亭按通志氏族畧引風俗通周公

之子蒔侯其國爲南燕所併漢恣南燕縣屬東郡後漢改燕縣隋

○水經注漢水東逕胙亭東故胙國也

祭

見上見周地

夢

文五年傳楚滅六夢滅文仲歎辜陶庭堅不祀杜注夢國安豐縣

故城東漢水會焉今河內光州固始縣東北有夢城岡卽其地○按與桓十一年傳之夢是二國

偃

文六年傳有偃姑晉襄公之母孔疏

鄭

文十一年傳鄭驥侵齊遂伐我叔孫得臣敗狄于

宗

文十二年傳楚子孔執宗子見僖三年經書舒

羣

文十六年傳庸人率羣蠻以叛楚按後漢書南蠻傳蔡邕之種

今長沙武陵蠻是也宣王命方叔南征詩所謂蠻荆求威也平

王東遷侵暴上國晉文侯與蔡共侯擊破之至楚武王時蠻與羅

國共敗楚師莊王時乃服于楚鄢陵之役蠻與共王合兵擊晉及

吳起相悼王南并蠻越遂有洞庭蒼梧秦昭王使白起伐楚畧取

蠻夷始置野中郡縣中故城在今辰州沅陵縣西辰抗諸境所隸

百濮

又廩人率百濮聚于遷杜注百濮夷也按周書伊尹爲四方獻

春秋屬辭辨例編

卷四十九

附見傳不見經小國

聖

甯濼在江漢之南是漢為西南夷唐桓伯曰巴濼楚鄧吾南土也

國語紛冒始啟漢史記楚文王始開濼地而有之昭十九年楚子

為舟師以伐漢卽此孔疏引釋例曰建甯郡南有濼夷無君長總

統各以邑落自聚故稱白濼在楚之南境而迤西在今雲南界

宣十二年傳楚子使唐狡與蔡侯居告唐惠侯使潘黨從唐侯以

為左拒杜注唐屬楚小國義陽安昌縣東南有上唐鄉按司馬貞

索隱曰唐本堯後封于夏墟在今晉陽成王滅之以封叔虞又分

徒之於許邾之間春秋唐惠侯是其苗裔也定三年唐成公如楚

為子常所止杜注成公惠侯之後四年蔡侯吳子唐伐楚五年

于期與子蒲滅唐哀十七年楚子穀曰武王得觀丁父以服隨唐

蓋唐本楚之屬國也秦為隨縣地漢為

蔡陽縣後漢改安昌今南陽府鎮平縣

按詩式微序曰黎侯寓於鶉旄邱序曰狄人迫逐黎侯備不能修

方伯之職黎之臣子責之蓋春秋黎侯之先世矣赤狄潞氏奪

黎侯地晉伐之滅潞立黎侯而還今潞安府長治縣有黎侯亭

成七年傳子重請取于申呂以為賞田按呂為虜夏時國周穆王

時呂侯為司寇作呂刑國語史伯曰當成周者南有申呂後不知

何時并于楚今南

陽府西有呂城

穰成十一年傳昔蘇忿生為司寇與檀伯達俱封

于河杜注封于河內也蓋在今懷慶濟源縣境

無終平郡按其國先在雲中代郡之境後遷右北平舊地近代郡之

鑄

廣昌自昭元年荀吳敗無終及葦狄漸擴代北之地其後趙氏盡得代地而無終之國乃在右北平無終縣今順天府玉田縣也
鑄二十三年傳臧宣叔娶于鑄杜注鑄國濟北蛇邱縣所治接記
曰武王封帝堯之後于鑄昭二十五年傳叔孫昭子自鑄歸水經

注蛇水逕鑄城西春秋之蛇淵也今
泰安府肥城縣有鑄鄉即漢蛇邱縣治

唐

杜弼二十四年傳范宣子自叙其先世曰昔勾之祖自虞以上為
唐叔奔晉四世及土會食邑於范杜今京兆杜縣劉炫述賈逵之

言則謂成王封堯後為唐杜二國讓杜氏遷唐于杜之說為非二

說不同秦置杜縣漢改杜陵今杜陵故城在西安府治東南境

邙

襄二十九傳見衛今
邙二十九傳見衛今

焦

注焦在陝縣按不知何年滅于晉今河南陝州南有焦城
焦二十九傳虞虢滑霍楊韓魏皆姬姓也晉是以大杜

楊

見上杜注楊屬平陽郡按路史宣王封子尙父曰楊侯不知何年
滅于晉以賜羊舌肸為楊氏邑今山西平陽府洪洞縣東南有楊

鄆

同見衛今衛輝府
鄆同見衛今衛輝府

鄆

新鄉縣西南有鄆城
鄆新鄉縣西南有鄆城

鄆

又自鄆以下杜注在滎陽密縣按王肅云武王封祝融之後于所
洛河頽之間為楡子孔疏祝融後分為八姓惟妘姓之會國處祝

融故地周夷厲時鄭公不務政事大夫作詩刺之今鄆風也其

後鄭武公滅之信三十三年傳云鄆城即其地在今許州密縣

奄

注奄國與四國流言者屬魯懷柔之昭九年傳曰蒲姑商奄吾東

土也書序曰成王東伐淮夷遂踐奄因以封周公夫周公已封于

武王時成王乃以奄地益之耳後漢志謂魯國即奄國非也孔穎

達云奄東方之國近魯之地是矣史記有魯奄謂魯之奄里即奄地也或曰今在曲阜縣東

沈

似 稔 黃 昭元年傳金天氏有裔子曰昧生允格臺駘臺駘

汾而滅之矣杜注國臺駘之後○考闕能業其官封諸汾川沈如稔黃實守其祀今晉注

肅慎 昭九年傳曰肅慎燕亳吾北土也杜注肅慎在元菟北三千餘

肅

慎 里按書序成王時息慎來賀即肅慎也元菟今盛京所屬地

亳

見上孔疏當是近燕小國阜南也

不美

昭十一年傳楚子城陳蔡不美十二年傳子革對靈王曰是四

城定陵西北有不美亭彙纂曰不美有二在襄城縣東南有不美

也今屬許州府在定陵者東不美也今在南陽府舞陽縣北

肥

昭十二年傳晉荀吳滅肥以肥子緡臯歸杜注肥白狄也鉅鹿下

昔陽縣西有肥聚城按肥彙纂縣屬真定國今在藁城縣西南有

日肥子奔燕封之於此今為永平府盧龍縣

房

昭十三年傳楚靈王遷許胡沈道房申于荆杜注汝南吳防縣即

康日以楚封吳王弟夫槩於此故曰吳房兩漢晉志皆作房字

密須

昭十五年傳見前密

鼓

昭十五年傳晉荀吳伐鮮虞圍鼓取之以鼓子戴鞅歸杜注白狄

而反鼓于焉又叛於鮮虞荀吳襲鼓滅之自此地屬於晉江

鍾吾

昭二十八年傳吳公子燭庸奔鍾吾杜注鍾吾小國按三十年

司吾縣屬東海郡後漢屬下邳郡晉屬臨淮郡

桐廬

定二年傳桐廬楚吳子使舒鳩人誘楚曰以師臨我我伐桐廬注

小國

舒廬西南有桐鄉今安慶桐城縣北有古桐城與廬江接壤

侯爵隨 邢 唐 息 荀 豐 應 韓 札 鄧 黎 梁

伯爵賈 廊 芮 滑 凡 原 胡 襄 葛 南 燕

子爵 徐 頓 溫 郇 巴 郇 鄆 糜 郟 沈 邕

男爵 許 宿

有爵無姓

賴 弦 萊 譚 宗 鍾吾皆子爵

有姓無爵

耿 霍 魏 焦 東虢 密 管 毛 雍 聘 邢
胙 蔣 茅 楊以上姬姓 蕭子姓 向 申皆姜姓
都允姓 羅 莢 姓 夷 姪 姓 任 顛與皆風姓 偃 姪 姓
黃 蘇 姓 六 蓼 舒 麥 舒 庸 皆偃姓 ○程公說分紀

○險要之地書於經者

春秋書滅下陽罪虢之不能守險書城虎牢罪鄭之不能保險李廉會通

僖二
年

虢之滅由於下陽之亡郟之入由於州來之亡故皆書滅徐彥疏同上

春秋險要之地莫多於秦晉吳楚鄭衛蓋鄭衛南北所爭而吳楚秦晉壤地相錯為日交兵之國桃林顧云即函谷二穀茅津之為西北險也以秦晉七十年之戰爭著也函谷一入秦而六國之亡兆矣鍾離州來居巢之為東南險也以吳楚七十年之戰爭著也州來一入

吳而入郢之禍基矣晉楚懸隔千里所爭惟在鄭宋楚戍彭城以塞
晉之通吳晉城虎牢以防鄭之服楚春秋尤大書特書焉少習武關
爲秦豫咽喉之地秦人滅郢蓋欲以圖武關而卒不能有及楚圖北
方將通少習而晉人震懼

見哀四年傳杜注少習商縣武關也顧氏考武關在少習山下楚通上雒阨道也

豈非襄郟商雒之間地形阨塞與函谷俱稱絕險哉

顧棟高險要表叙

武王封功臣宗室凡山川糾紛形勢禁格之地悉懿親及親子弟以
翼戴王室鎮撫不靖封東虢于滎陽據虎牢之險封西虢于宏農陝
縣阻峭函之固太公于齊召公子燕叔虞于晉四面環峙而王畿則
東西長南北短短長相覆方千里無事則都洛陽宅土中以號今天
下有事則居關內阻四塞以守曷嘗不據形勝以臨制天下哉襄姒
煽虐禍由內作播遷東周而西虢實爲東西都出入往來之地周有
西歸之志必問途於虢故平之末年欲以虢公爲卿士至惠王時鄭

魏卒定王室當晉獻之圖魏也惠王苟赫然震怒命方伯討罪于晉
晉必不敢動乃談笑置之魏入晉而晉日強周日削矣洎惠公之入
賂秦以魏畧秦若得之則可東向以抗衡於晉而晉之諸臣固不與
也雖戰韓見獲秦於此時幾可分晉之半而卒征繕以輔孺子閉關
謝秦秦知空名爲質之無用卒歸惠公呂卻諸人智勇絕人矣秦不
能覬覦桃林以東乃借晉師滅都文五都近武關穆公之意以爲不得

于東猶可經營商雒圖武關以爲南出之門戶而亦終不能有

都後入楚

由是一百餘年秦屏伏西陲不敢出以秦地形四塞而函關武關之
門戶俱爲他人有也至三晉瓜分秦得其地置關函關入秦而三晉
之亡自此始矣嗚呼晉自獻公滅魏以後固守桃林之塞主伯天下
者二百年至三晉分而後失之而周室東遷不三世而魏爲晉有所
謂捐國之利器以與人而不悟者也

顧棟高疆域表後叙○愚按讀顧氏此論則春秋之書滅下陽

秦入郟戍鄭虎牢
皆志非常可知矣

僖二年夏虞師晉師滅下陽

穀梁非國而曰滅重夏陽也下陽者虞虢之塞邑也滅下陽而
虞虢舉矣○胡傳見書滅○顧氏疆域表後叙見上

僖二十八年冬天王狩于河陽

杜注河陽今盟津按唐設河陽三城節度使史思明陷汴鄭李
光弼守河陽賊不敢西窺關輔亦要地也

顧棟高

僖三十三年夏晉敗秦于殽

杜注殽在左農澗池縣西按今在河南府永甯縣北東北入澗
池縣界自新安以西歷澗池硤石陝州靈寶閿鄉而至于潼關
凡四百八十里皆河流翼岸巍岸插天絕谷深委險甲于天下
顧棟高
○崤山險阨是晉之要道關塞也從秦嚮鄭路經晉之南

境於南河之南峭關而東適鄭

書秦誓序正義

○曰焦曰瑕曰華陰曰

華陽曰桃林曰桑田皆在關之左右秦師之由陸常必由之殺

有二陵乃函谷關之間也其關東接澠池西連華嶽北濱河渭

南鄰西虢自東陵至西陵三十五里東則峻阜絕澗西則石坂

險絕此天所以限雍豫之地

陳則通提綱

○季氏說見秦晉交兵門

文五年夏秦人入郟

顧氏說見上

文十二年冬晉秦戰于河曲

杜注在河東蒲坂縣南按蒲坂城在今蒲州東南有蒲津關與

渡河之陝西朝邑縣之臨晉門東西相對水經云河水自此折

而東故謂之河曲據關河之要

顧棟高

文十二年夏楚人圍巢

昭二十四年冬吳滅巢

經傳吳楚爭巢事詳小國巢下○古居巢城在今廬州府巢縣

孫權于此築濡須塢曹公四越巢湖不成卽此

高嶺

○文十二

年季氏說見書圍門○昭二十四年胡張說見吳楚交兵門

成七年秋吳入州來

昭十三年冬吳滅州來

兩高顧氏說詳見小國門○在今江南壽州北古下蔡城也在

淮水北翼蔽淮濱南北朝梁魏與後周南唐爲苦戰之地

顧棟高

○成七年嚴氏朱氏說見吳楚交兵門

成十五年冬會吳于鍾離

在今鳳陽府臨淮縣東春秋時互爲吳楚邊邑歷代爲戰爭重

地梁天監中魏圍鍾離邢巒謂鍾離天險必無克狀卽此

顧棟高

成十八年夏宋魚石復入于彭城

襄元年春圍宋彭城

宋邑今爲徐州府銅山縣春秋時吳晉往來之通道後代爲徐州重鎮兵家守攻之地林氏曰晉悼始圍彭城繼城虎牢議天下之勢高願棟

而披其地以塞夷庚逞姦而攜服毒諸侯而懼吳晉吾庸多矣

杜注夷庚吳晉往來要道也○成十八年余氏說見晉楚交兵

門朱氏說見宋邑門○正義夷平也繁欽辨惑曰吳人以船楫

爲輿馬以巨海爲夷庚滅榮緒晉書曰司徒王謚議曰夷庚未

入乘輿旋館陸機辨亡論曰旋皇輿於夷庚並文選五十三然則夷庚

者通謂車馬往來之大道以其在彭城故屬之吳晉也小爾雅曰夷通

也○惠氏指注

襄二年冬會于戚遂城虎牢 十年冬戍鄭虎牢

齊晉之霸皆先服鄭范雎李斯之謀皆先攻韓蓋虎牢之險天下之樞也在號曰制在鄭曰虎牢在韓曰成臯號恃險而鄭取之鄭不能守而韓滅之韓又不監而秦并之秦之亡也楚漢爭之在德不在險信夫

王應麟困學紀聞

○子王子曰天下形勢非有人

以用之未有不反爲亡國之資鄭有虎牢之險鄭不能用晉城之而鄭之勢遂窮形勢之不可失如此

金履祥通鑑前編

○虎牢要害

之地春秋初鄭以之滅號戰國三晉分地段規謂韓王必取成臯一里之厚而得千里之權韓果得成臯而強未幾遂并鄭厥後劉項袁曹兵爭皆戰於此

張尚瑗左傳折諸

○顧氏說見鄭邑門

昭四年夏會于申

顧氏說詳申國下

顧棟高春秋列國不守關塞論

春秋兵爭之世然其時禁防踈濶凡一切關隘阨塞之處多不遣兵設守敵兵往來如入空虛之境也文十三年晉侯使詹嘉處瑕以守桃林之塞注云以備秦桃林今潼關也昭二十六年晉知躒趙鞅納王使女寬守闕塞注云以備子朝闕塞今伊闕也二者天下之險必待有事而後遣將設守則平日漫無閉禦可知齊莊之伐晉也入孟門登太行封少水而還而晉僅於其還使趙勝率東陽之師追之而已而晉平日之備禦無有也吳闔閭之入楚也舍舟淮汭自豫章與楚夾漢道由大隧直轅冥阨而司馬戍第于旣陣始議塞城口以邀其歸路而楚平日之控扼無有也是皆一夫守險千人莫過使當日有一旅之師百夫之長當關旅拒則齊之啟胙申殿必不能輕騎而入羊腸之隘吳之水犀精甲必不能疾驅而至漢水之濱也文五年

秦人入郟道由上雒出武關經歷晉之陰地是時秦晉已絕好而都
在南陽之析城深入東南五百餘里秦與楚爭郟而晉不之禁也僖
三十三年秦人襲鄭道自華陰出函谷關歷二嶠及周之轅轅伊闕
而後至焉行嶽巖深谷中二千餘里商人弦高遇諸塗而始覺而周
人晉人不之詰也他若晉會十三國諸侯于柤而柤爲楚地吳伐魯
而子皙故從武城道險是蓋列國皆然主者無設險固圍之謀敵人
無長慮卻顧之志處兵爭之世而外戶不閉歷敵境如行几席主人
能則有秦穆之喪師主人不能則爲楚昭之失國春秋之所以日尋
於多事也夫土地人民國之寶藏敵國外患國之大盜偃然弛備而
欲狡焉啟疆者不肤其篋而劫其藏得乎善爲國者慎其封竟嚴其
守禦深維大易設險之謀重凜周書慎固之訓庶乎姦宄戢志而強
隣寢謀矣

春秋屬辭辨例卷之五
四十九終